



正氣集



光緒三年二月重  
刊於武昌省垣

序  
貴筑傅竹湘司馬與余同官鄴  
中去年自襄陽權務所晉省一  
見如舊識因出其大父星北先  
生詩集屬余重付殺青並丐序  
言以弁諸首余曰噫學淺者不  
能詩識闇者不知詩荒陋如余

何足以序斯集哉竹湘固請不  
已迺為之序曰詩三百篇大抵  
皆根於性發於情上自公卿大  
夫下逮征夫怨女莫不具有溫  
柔敦厚之性以寫其情之所不  
容已長言不足又嗟歎之使百  
世讀者流連愛慕不忍釋手此

詩之為教所以感人最深也吾  
於一朶山房詩集遇之矣蓋嘗  
取而三復之如讀史詠史諸作  
自抒偉抱不矜奇異一字褒貶  
有如衮鉞何其正也勘水捕蝗  
諸篇洞達下情勤恤民隱又何  
仁也至其家庭諸篇則宛若陟

此之歌夢莪之賦孝思之篤形  
諸篇什而哭妹示兒與朋友送  
行話別諸作朏詳懇摯排惻纏  
綿蓋無一不載至性至情以流  
焉他若紀事題圖雜感游覽撫  
時論事卽景生情亦復各有寄  
託與泛賦風雲月露者別以霄

壤樂府古詞則有烏棲曲玉階  
怨十餘則宮商互應天籟自鳴  
嗚呼詩學至此可以風矣余生  
也晚惜不獲接先生謦歆親聞  
詩教而與先生孫竹湘聚處一  
方不相鄙棄得以託名文字之  
末謂非余之厚幸也哉謹序

光緒三年春三月永康胡鳳丹  
月樵甫識於鄂垣之退補齋



光緒三年春三月永康胡鳳丹  
月樵甫識於鄂垣之退補齋

序

今河南廉訪傅君郵寄其先德小泉先生詩集屬為序

其意先生固循吏政績在薊北桂林至今民尸視之是  
塵垢糠粃猶將祇飾而誦習之以勸為吏況其所自造  
之詩乎然古今循吏頂趾相望歷年既久湮沒不彰未  
有祖述其詩文者其在史傳臚列行事蓋僅有存焉發  
為詩歌勒之金石經後人掇拾斷句零篇流於簡牘則  
百而一二非其人精神足以自傳與子孫賢而能文則  
不能搜羅而刊布之彼簡牘有盡而金石有壞或不幸

而不傳未可知也先生之詩和平演迤處家庭骨肉多情至語至勤恤民隱水旱之救災農桑之督課若惟恐吾職未盡悉流露於詩歌解觀其意非合乎古周召化民之治雖出於當世鉅人長德猶以爲大不可其篤信好道而不阿於世可見於此矣廉訪君承其治譜好學喜聚書懷弗明弗仁之戒刊先生詩使必傳於天下必信於後世可謂賢而能文知所先務者乎予故樂爲序之  
光緒二年四月德化萬青藜謹撰

序

先君嘗語彭年曰昔者吾師小泉先生之設教也從者數百人先生語而進之培而植之各因其才之所近而成就之或言義理或言考據訓詁或言詩古文辭大叩大鳴小叩小鳴嘗慨謂俗學溺於科舉有斬進於古者則駭怪詆毀若不能容先生欲挽其頽而懼不相習乃以科舉之文爲之階梯而論古人詩與文引爲繩削焉入於大雅之林而不自知也因指手所持便面曰此古先生自書所爲詩汝讀之有奇異過人者乎而

按之古無不合施之今無不適乎人之意吾鄉國朝詩人漁璜爲最顯其他見於黔風鳴盛紀事諸篇者踵相接也而先生之詩平易而不弛於法於學者爲尤近焉先君自髫齡從先生遊時學中弱冠壯年者方眾先君始受書誦輒中節先生聞而異之曰此子出諸生上矣故周其貧乏使無廢學先君每述少時益友則唐威恪公孔丈餘三徐丈毓東而師則惟先生易簣時猶稱道之彭年旣與先生之子青餘廉訪締交又重以婚姻今青餘將重刊先生詩集郵寄

彭年審校因述所聞於先君者附於卷端蓋距先生之卒垂四十年先君之逝亦八年之久不禁愴然以悲而更厯世變猶得與青餘商量舊學以課子弟先生之教庶幾不墜是又所竊幸者也

同治十二年九月再傳弟子同里黃彭年謹序

同命十二平次日再對美于同墨黃後半歸京  
我坐之燈熱燄不製數及而驟率傲出  
以悲而更想世變時時與青翰商量書卷以藉子策  
至之空運回半  
過半審效

一朵山房詩集卷一

貴筑傅漢星北著 男壽彤校刊

雜詩

高岡有孤鶴瘦骨挺如玉風吹墮塵海飲啄混羣鷺市  
眼樂斌媚相對轉憐獨素羽冒清露周防恆肅肅大塊  
甚浩落貌身詎刺促琴旁秋自高炎颺恥追逐  
登高望美人美人已千古遙遙想遺言當時心何苦溫  
暖入肺脾凌厲抵弓弩眾音雜前陳鐘鏞聽輒阻鳩雀  
胡太矜喧闐歌且舞區區獻微材赫赫遭大斧

觀鐵柱懷鄂文端公

虹申蛾伏水湯湯熊耳回瞻墮渺茫我亦馬家同寓客  
杭香能勿憶斜陽  
千古  
一回變動一回平根在終愁莫復萌妙絕吉酋歸部領  
十三州築受降城  
勝算爭先鑄異才春風吹處一亭開問他剝啄緣何事  
連逮鸞鳳繫外臺  
誰從薄瘠嘅流亡偏遇韓公下建章藹藹如春纔數語  
生靈萬个叫爺娘

公忠彌亮

御書殷天末歸來寵疊聞祇是紅橋仍判

隔西征上將要希文

一月兩至東山

輕衫裊裊帽團團衝突烏輝踏葉乾一路去來同月熟  
羣生聞見與禪安也知佛地終能到不想家山竟耐看  
忙煞僧廚好葵麥挈來蠻榼尙餘餐

讀陽明先生集書後

滿腹憂時憤無聊朔此途羣書肯糟粕一念太榛蕪學  
本參禪理功應笑腐儒如何趨汨沒假口効匡扶

遊雪厓洞

水曲爭迴處盤盤湧刹那去家半里遠別我十年多雪  
跡憑誰埽厓身耐劫磨云胡此佳處常住祇娑羅

拔地欲參天瀾滄古畫懸絲升溪水色青積市城煙絕

嶠飛長劍疎窗證慧蓮

寺爲陳密山方伯建

追蹤慚顧影尙是軟

塵牽

地軸全穿鑿人從釜底行最難如佛樂不易得天明怪  
獸孤燈現洪鐘兩辰生見聞仍未滅那遽脫崖阬

憶昨張歡譙燈花簇綺宵魚龍春氣逼城郭沸聲搖羽

檄飛筵速蠻烽達棧遙廓清纔幾日嫋嫋又笙簫

雜詩

松生高於山其意猶未止回憶十年前偃蹇山中士日  
見人不覺外顧誰足恃雨露豐垂暑光陰重盈指靈根  
雷宅蟠細杪星垣抵良材詎苟得端自發跡始浪拾魏  
收唾名成亦負恥

蒙蒙嘉樹陰暘人受恩重赤日行當空虐焰來無縫漠  
北嚴寒多著水輒成凍春陽黍谷回萬領棉衣送因思  
今日歡回憶前日痛是何造化機迭向蚩氓弄筐篚迎

王師炮烙所遺眾朱均狂成例毒流豈勝慟防川但固  
隄剔蠹難顧棟兩間大局全恩怨原挪用笑謝蛇與豕  
勿爲守隅閔補人受恩重朱曰行曾空數數亦  
猛虎墮深窞眾獸齊歡起偏有老黃狐臨窞悲不已虎  
在假虎勢虎去復誰倚一腔熱血淚全灑虎身裏吁嘻  
宇宙間怪事豈獨此蠹胥宜吏貪積穀望歲否軍興馬  
販樂隄潰河官喜祇顧一身安何恤眾人死

樵子伐薪木遠到無人地滿足起紫光忽湧金一箱茫  
茫歸告妻覆石暗留誌須臾惡龜盤重來適與際決躡

而解腕慘毒曷弗備蓮子抱苦心鯉腹藏織刺由來福  
是禍再往幾得意天與人雙眼如何祇見利眾鳥嘲於  
人心蠶吐絲宛轉何時竟一枝儻能借已替鴛鴦慶造  
車鄰家子操車力復勝躑躅太行路犖梗雙駿數里  
千迴環一步一陷窞猶復霄漢企風沙老蹭蹬好事造  
物慳藐身行何罄豆麻不空手來意已云稱楚報思霸  
吳祇欠一頸刃尚帶大誠赫赫也思於金  
渺渺寒林鳥生長寒林樹忽來一黃雀引入天涯路春  
江水法法魴噬復鯉捕一飽宜已足乃更青雲慕青雲

良可慕爾母託誰顧不聽嗷嗷聲倚窠尙待哺  
淺淺麗水沙有金藏其際披沙以揀之金取則沙棄治  
人鑄旣成嫌此色尙滯大施拂拭功用沙作金礪吁嘻  
沙於金來時同一地茲反以攻金母乃戕其類吾觀昆  
侖水南北條有二當其合眾流亦何投若契埽葉煮園  
瓜須防有瓜蒂哀哉陳思王千古聞猶涕  
我行南山側悠然見翠篠干霄姿頗近任風力尙少度  
聲交怪松散影雜腐草孤鳳憫不已隔林呼眾鳥啣彼  
梧下泥環籬以爲堡彤雲梢頭護清泉根底繞一心翼

成立將計此君老大造宏栽培往往自幼小此會一苟  
簡枉定不可矯所以古慈父愛兒如至寶

洪鐘列東序龐然如癡龍偶爾敲擊之聲挾松風衝啣  
啣澗底蟲學語猶未工飲水滄涇渭辨色誣紫紅言者  
道之華外美由內充絕汗與斷港豈若汪洋雄長鯨纒  
一口艘停同臥虹懿哉有德者萬軸蟠胸中當宁獻一  
語生民食無窮

老翁積銅錢日買東臯田買田欲與誰曰有子堪憐書  
劍不樂學四民無一然此非有恆產所性能勿遷父骨

日以消兒田日以拋簑笠結塵網隴陌穿菅茅土屋三  
四間危若烏鴉巢老翁苦凍饑病臥常罪兒治生肯努  
力何至貧若斯我獨此翁罪愛兒昔太癡

先疇不可復遺者惟此硯氣饒金井潤背勒玉溪篆鴈  
鵠眼圓圓蟾蜍影旋旋窮鄉年不登穀貴壓硯賤朝上  
東門市持硯與穀換蚩蚩列肆徒何解弄柔翰良田蓬  
蒿掩美玉沙礫亂嗟乎昔盛時豈止此物炫一貧都不  
守所失曷勝算

園居

緊承楓蔭倚雙槐露閣煙寮亂綠堆船馬萬愁眉際埽  
晨昏一卷手中開牆根鑿竅通泉注徑外分畦選菜栽  
妙絕郡垣低過屋薰風南至月東來

懷諸葛武侯

半壁艱危託孤懷淡泊憑府宮如並攝禮樂且旋興石  
馬憂逾積桃蟲患不懲勞勞軍務裏何限恨填膺

願來買竹種於屋後作詩紀之

啓門橫疊數竿竹生致猗猗獨少肉云爲晨炊一米無  
易君开斗聊充腹我聞此信心已酸側眼看竹尤生憐

此去不知落准手摧殘剝削庸能全出錢百枚續取回  
引泉和土<sub>三</sub>邊栽葉心含露如淚滴似感手援離燔煨  
邇來梅雨足山南一本常得笋兩三舊葉脫盡新葉顯  
淺黃深綠聲啾啾就中一枝尤奇勁雨壓不墮疑有命  
孫復添子子添孫繞其前膝隨其脛竹左竹右百無有  
一日二日幾回走岐嶷作勢將摩霄低者亦與吾齊首  
應知此竹天亦寶轉輪到此要吾保牛羊踐履斧斤伐  
不如當初不買好

歲歉讀童少一硯無置處冠酌禮初成飄飄遠行路孩

心視猶在險阻奮不顧身如經宿鳥日出別高樹前程  
千萬繞此方動初步星日要躋攀堠亭敢延佇飛雲澗  
底慙過馬道旁慕誰家生健兒袖手山中住

清平謁孫文恭公祠

紛紛旗幟競披猖總爲尼山一瓣香燭火儘隨瓊萼煽  
雄軍終共洛閩張原知性拙難人合翻慮詩成與道妨  
怪底青螺齊俯首關心來處亦龍岡

洞庭湖

亂峽疎約束眾水不自安分趨吳楚間匯而成此觀談  
者記道里週圍八百寬海內自勝概惜哉空瀾漫使皆  
易赤埴詎憂生計難蔥蔥菹草殖牽引蛟龍蟠四望絕  
畔岸黑水來無端噩浪若山立魚食良可歎狡哉東方  
生奪人酒自歡斜陽滿江樹高唱臨雲看

登岳陽樓

忽剗羣峯盡依依祇有天城身隨浪簸客意與星懸二  
廣餘如此三閭望渺然共誰更沽酒一醉學神仙

登黃鶴樓

川分峽斷聳孤邱魚服東來此上游晴日滿天當客出  
長江終古撼城浮萬艘戟立機誰息雙鳥雲歸繳亦收  
底事神仙駕黃鶴都隨鸚鵡去花洲

自漢口至樊城舟中作  
庾家門外片帆開爭逐高楊酒一杯好是無風行緩緩  
萬山常上客船來

歡心畫出鳳林天纖手槎頭競斫鱸卻值日斜山簡過  
一堤茗芽送歸鞭  
荆州畢竟問誰償空墮殘碑淚幾行祇恐大江流亦盡

被他一吸改栽桑空望終年無幾許  
鴨頭新綠浸葭叢侵曉冥冥宿霧籠  
有人三兩見當中  
線織雕輪迹蚪垂蘇壁痕貪歸行  
破驛諱餒食當門僕  
老勞餘口年豐害拔根藕花紅  
百里飽受夕陽溫

湯陰謁岳武穆祠

妖星毒霧萃平章咫尺燕雲墮渺茫  
中原從此化仇方出郊原可爲充國  
問帥先驚徙汴梁

稍一躊躇情轉曲心兵能禁碧梧張

盈庭論訛煽紛紛紫色蛙聲竟未分  
跨海歸原希毅座臨漳觀尙列恬軍  
全家並力防姦發三字爲名壅獄聞  
猝使小朝廷局定長空一祭報沙雲

金陀坊外草深深孤抱銀瓶井底尋  
兒女何干家國事鄉閭兼罪僕奴心  
西窗錯豈無銅鑄南鎮書偏促斧臨  
震地哭聲滿腔血笑他元老坐如喑  
精魂終竟戀龜茲嘉樹南偏故竦枝  
輕把河山西子換陰收鎖鑰北門司  
夢華嶽憶孤餘此王氣城看究屬誰

一種蘭香煎不散臨風猶自客裳吹

邯鄲驛

炊煙裊裊一燈留忙脫疲驂此少休已分溝渠填杜甫  
何妨蝴蝶化莊周寸心苦縱虛花發勝地都成黑夜投  
不是黃梁一敦促臨漳誰挽水迴流

桓侯井懷古

拒馬河邊雨乍收延回桑落問岐溝漢家徵旺原於井  
涿土聞香豈仗侯半世屠沽生計拙一腔忠愛敵心愁  
長天一隊鵝行過尙作雄聲護古楸

閒坊冷曲任嬉遊潦倒何曾要出頭草草幾間依郭屋  
寥寥一丈貼身茅三分忽並鄉歸賊百戰全忘帳有仇  
魚水君臣雙健在曷勝血淚灑江州

光武故里

羣蛙競響紫飛光撒手耕漁應識忙雷雨功名從此始  
糟糠辛苦共誰嘗天心繫屬仍炎幟日色翻騰祇綠裳  
怪底故人長作別一思蕪粥冷推腸

拜李元禮墓

側目園西尙嚮官龍門孤立障狂湍我心祇解嚴模楷

此外何知有狴犴蕃武聯鑣趨霧黑荀陳結草臥風寒  
喬松偶爾羣鷗過謾謾應難飲啄安

一朵山房詩集卷一終

一朵山房詩集卷二

貴筑傅漢星北著

男壽彤校刊

京城留別諸友人

賦罷長楊獨放還囊書匣劍走鄉關花纔得看旋傷別  
馬正能遊忽許閑鷓鴣強追驚斷夢衡崧重理踏殘山  
此歸轉荷天恩厚一領萊衣洗淚斑

過平原弔顏魯公

廿郡同聲應勸師握拳通爪一人支對兄真可稱難弟  
哭友何辜得此兒一例事君偏異視頻年在外不會知

翻教小史文堆困約略猶能認斷碑

臨清道中間張船山太守告歸

曾聽振跡下蓬瀛已卜支離是此行全仗申韓緣徑託

邴容坡谷假官鳴錦鄉嚇瞶推三賦詞海迴狂仗兩生

稚存先生終竟禪心貪自在不教蓮舌弄蛙聲

### 羊流店懷古

秦安城外路西頭有店荒荒曰羊流爭傳叔子未達時  
攜家數口茲居遊一從領軍住襄漢此店蕭蕭亂煙竄  
當時多少故人過但向南天盼來燕徹夜天風吹松檜

宛著輕裘飄緩帶藐然著我於其間安知非卽昔日邴  
湛輩店僕山僧何足知告以其故翻滋疑如此便與公  
接面一如此山復奚奇卻解斤斤守形骸苦因一死增  
百哀泰山塊然一物耳果有擊之能勿摧精氣塞內神  
遊空物卽偶化魂魄通不然隔世一金環何以索之仍  
然逢桑中尤怪僅此淚兩行墮得幾多來哭羊何況嶢  
嶢石一片曾不一瞬頽襄陽紛紛苦謂公無嗣立伊不  
得以篇繼至竟不久篇亦亡議寢鉅平空垂涕沉沉一  
杯酒在手但看眼前皆我有明朝分定車一輛載公同

歸挾山走

登泰山

天鷄初唱五更風  
老老橋邊日已中  
怪底桃花顏久駐  
一生常受彩霞烘  
此處兩山迥絕  
來與羊回  
嶺馬欲回我不回  
琅琅煙際一鐘來  
儻將橫板釘鞵借  
尙踏前峯雪萬堆  
誰家鷄犬  
放鬆根  
桑陰斷處  
榕陰起  
都作蔥青表岱尊  
介紹惟憑大小龍  
飛梯百級聳芙蓉  
神仙住處真虛闊

祇有閒雲一盪胸  
碧霞丹闕祀高禩  
猿鶴分形月孕胎  
忽見兒孫羣笏列  
都緣青姥感生來  
爭傳先聖此談經  
全嶽精英萃一亭  
行過此間天亦到  
羣生如蠹我如星

山前山後鬪紛紛  
隔絕山中事莫聞  
辜負當時好家業  
不教七十二君分  
誰許吳郎住廣寒  
尋巢青鶴路漫漫  
從茲塵海肩應息  
第一名山已得看

淮安舟次

遵沂轉泗下，怱怱送客長。  
湖壓頂紅滿，簟涼生桐葉露。  
一簾香捲藕花風，空懷三策依籓老。  
誰挾千金對母雄，卻喜渴悰消漸盡。  
垂垂橘柚墮盤豐，幸負當朝秋葉菜。  
早主暑泊露筋祠。  
白鳥迷江岸，紅雲暗寺樓。  
水流都不樂，日落轉生愁。  
枯葦鷺閒立，荒陂花病留。  
亦防欠饜饕，飄泊到高郵。

過揚州

財賦雄新瀆，煙花結麗城。  
人俱爭此住，夢竟屬誰成。  
道

誼真家業樓帆太，客情綠楊幸無力，不縮欲歸鶯。

郭璞墓

一枕姚江夢，千秋恨始伸。  
並貽書拔舌，那得地埋身。  
風水偏遺訣，蛟鼉偶寄人。  
靈蹤何處覓，愁對石粼粼。

丹徒弔宋武帝

劈空龍種又翔淵，神鼎摩娑故業延。  
異品徒誇甥似舅，清談奚濟水違天。  
秋聲雉竄魂飛荻，芒目烏騰膽落船。  
太息杜鵑同化速，禾林穆穆墮江煙。

常州懷稚存先生

白頭水中天，綠草綠人阿。

一隊輕舟劃晚煙雲谿白墮水中天卷施草綠人何處  
雪慘風酸又七年

遊虎邱

山容背立水前流人影衣香小海謳偏有梅花餘鄧尉  
春風禪土廟雙修

香厨蔬筍埭桑麻問訊王維舊有家一派六朝金粉氣

都成肥膩長曇花

寺爲王  
瑜所捨

姑蘇懷古

煙花老眼望俱師一命孤懸強欲支早把楚鞭揮宰嚭

何妨越苧獻西施去家祇算讐重對處已無如死兩宜

來意爲韓功在漢徒多怨毒湧如巖

夜泊石門

燈火帆巔市人家岸角船對牀安蝶穩傍棹買鱸便客  
冗偏於夜詩難每望天寒鐘催遠寺乃爾墮聲圓

吳江道中感秋

紅收綠褪雨蕭蕭一夜江行變寂寥客路與山爭蹶出  
年光如水共船飄荻翻篝火影漁隱禾打耒聲續市囂  
聞道秦亭半江隔南過猶及看飛潮

西湖懷古

樊樓施冷夢飛花燕喜承平且浪誇便道偏隅終帝業  
何堪兩聖悉天涯英雄路盡鵬收翼雨露恩偏檜吐芽  
怪底航船行更迫此中原只住錢家

蝦蟆更促犬狺狺竟了荷花桂子因驢背嘯歌消暑景  
鹿邊著作老閒身艷都和局憑誰議燕座危談累客陳  
何意鳳凰經啄盡江雲猶更裏沙塵

子陵釣臺

老著羊裘作漢民滔滔何地插閒身雲臺儘管功名耀

料理頽風要此人

登滕王閣

層樓千尺瞰江深雁斷虹銷我獨尋片榻已陳誰款納  
一官猶滯且登臨山川有幸逢詞手天地無恩逮壯心  
慘絕豫章環郭立愁雲怨雨遍長林

十八灘

吾家辰澗灘頭住每遇灘行如遇故舵師搖手羣從驚  
欹枕高眠不暇顧獨嫌此水較狡猾一水分為灘十八  
不以奇勝以多勝百般折磨不得達想是灘頭馬祖

能驅山鬼兼降虎白日青天無路歸化為亂石滿灘阻  
仄者如巷擠船碎陡者如坡逐船退橫者如闌陷船止  
圓者如毬撞船潰有時植立如戟矛纜鬆桅拘船亂投  
萬朵蓮花破鏡出滿身珠淚當鮫流幸也水軍能水制  
駢肩以船作輿舁名曰惶恐魂已摧况更重重坎洿至  
岩巖難上梅花開途中遙望雲一堆也知不是泥犁國  
偏教一回復一回饑來謀食自恒清食猶未得身欲傾  
雄飛雌從亂流中豈亦惠潮爭前行眾念俱空面如紙  
灘水寂然去若駛卽有申救呼何及相安岬嶼乃至理

過梅嶺

浮萍飛絮感生前纜下危灘忽上天化蝶留牀調客喘  
歸雲結屋養僧年曲中遠憶梅三百腳底俄銷路八千  
此去稚川應怪問蓬瀛何事不成仙

到廣州

碧天潮過晚秋新愛到盧奴假道親遍座誤驚鳧得地  
一牀爭共蝶藏身虞翻素號吳名士陸賈終推漢近臣  
經笥滿家籊予子還防深究客來因

象州夜渡

水泊蒸如釜呼舫趁夜遊一篙鷗夢落幾戶蠶燈留排  
冗餘殘卷分勞仗小舟最嫌江底石暗地聳戈矛

贈野老

又得蠻溪半日晴隻鷄斗酒散衣行相逢花鳥皆儔侶  
不管雲霄甚姓名紙閣蘆簾春睡美殘柯敗葉晚挑輕  
問君何事還勞念一雨貪天助力耕

夜坐感懷

浮生一夢較歸難况值秋沈夜杳漫破牖進風侵燭瘦  
重巖下月慰琴單原知雲路鵬終奮太息星宮蝎尙蟠

粲粲黃花籬又晚餘杯能博幾回歡

古州道中

苔磯一葉卸漣漪跨隼盤鵬閑萬巖候過小寒猶畏熱  
途經故里轉愁危桴樓聚類頑時發蘿屋聯家苦素知  
爲報司民休瘼玩百年此地兩陳師

過貴定感懷

萬峯如繭裹孤城一硯會依此地耕容膝數間彭澤第  
談心滿座洛陽英看山有墓隨年積哭友無囊共淚傾  
畢竟桓家經塾舊停車聽去尙書聲

送徐春帆先生入都

喧豕厭聽憶蓬瀛  
喚渡盤江萬里行  
鷓鴣缺自防丹殿  
問鷄殘豈共少年  
爭到門風雨虛來  
意繞座絃歌帶別  
聲從此凝眸又天  
上何由結榻話西  
清

擬古

兀兀澗底松萬卉  
表孤特烈風蒼翠  
侵回眺但一色野  
鶴隱虬罅伸展苦  
偏仄四面喧怒濤  
時還恐踣跡渺渺  
北原花何人手所  
植豔冶爭出頭辛  
螫遍身蝕遙聞墮  
窮荒路旁徒惻惻

廣湖有鄰女容質輕且浮  
生長貧翁家畏累人不求  
忽來一強買千金爲纏頭  
從此氣體移歡樂無時休  
歌聲抗鳳凰燭光千斗牛  
立旁一老嫗俄然發嘆愁  
可能此一生盡似今日不  
一依京荆榛莽盤互白晝  
走犀豹黃金炫少年一望  
空險要竟欲仗鎚鑿寶藏  
天地盜山神憫辛苦亦或  
如願報所嗟閨閣居不應  
闖闖效一日高懸天豈獨  
君怙冒

出郊觀梅

東園盛梅花種植雜榆柳  
一夜春風吹滿身起衰朽  
梅

花故不知月明縱飲酒山深峭誰語清磬數聲吼素心  
託淺水沈沈坐良久鋤邊影忽飛歸騎帶香走

道傍有惡木橫陳如醉臥失腳顛其腹芒刺鉤衣破排  
擊亦公憤不敗實自禍去去恐不速况敢貪蔭坐  
一坐送楊惺園同年赴京

昨夜秋風起薄寒生碧灣沿水萬行樹蒼蒼凋舊顏天  
馬不可羈雲豈長在山人生等行役况此妻孥環翻恨  
結交初綢繆天不怪饑寒定何物梗化若此頑丸霄路  
無幾努力終躋攀安身舍此境游歷皆險艱

登扶風寺

皎月已出山而乃者不肯徘徊斗牛間似欲爲我等山  
徑幽且險走如深巷永古籐空纏結兩肘亂拉引忽復  
坡陀上飄然橫舩艦四面瞰山光一天浮水景三竿兩  
竿竹个个向客請獨有老梅花落落臥煙冷一陣香風  
吹扶我上絕頂

送王笛浦歸清平

梅花紛藉雨瓊瑤僂偏閒看又一場去意已商蓮社熟

先有詩寄行途肯畏朝川長終宵細蟻飛新綠滿壁名  
蓮濤夫子山塌硬黃禍恐河汾難獨臥填門將相叩雲忙  
雲霞聽綠傍軒行深坐蓮帷斷送迎一樣遠依嚴節度  
幾人真學左邱明棋當勝處收原好花自春餘種亦成  
一事爲公充羨絕滕端文度石麟生天將水漫三竿雨  
空幽晚坐  
行雲忽一頓卓午屋已黑峭風南郭來驅之過山北斜  
陽滯古城一時掃鬱塞委宛桑榆巔作意弄晚色曝背  
坐苔紋溫存良足德疏林笑宿鳥文采何由匿

送伊耐園廉訪之任河南

紉縵屏山一片雲無端灑潤向嵩分十年衣被曾身誌  
二室吟哦但耳聞鱣窟釣空閒蠓豸秋山行盡見榆枌  
替他滿甸寒鴉喜爐火溫存得暮曛

屢蒙兩眼放輝青判斷高堂許共聽盆底有冤皆理解  
蠻方無性不調停蓮張綠幔香難透草撼春波夢易醒  
何日雲霞融一片乘風軒舉傍飛星  
與郎秋舫夜話平生熟語志無欺更錯人間事  
愛君如愛月中庭屢延佇浮煙弄回薄屢斷月來路漸

浙門外風喧竹月忽攔客臨我屋繞身俗事輕於塵別  
 後良言甘如肉我輩平生無他志祇為要識人間事  
 書百卷籤萬行都是筌蹄終歸棄苦恨饑驅廢學早萬  
 務臨頭徒草草權衡任意為重輕蹉跎半生無一好案  
 可家藏大藥資治人顏色同嬰兒一樽相屬及此時會  
 看瘦馬天街騎喜歎火盞存餘暮朝

一朵山房詩集卷二終

一朵山房詩集卷三

貴筑傅漢星北著

男壽彤校刊

和許秋崖中丞九日獨遊相寶山

瓜隴菰陂白鳳環金風玉露啓禪關日佳到晚珍於寶  
 名重如公仰亦山清氣全收真灑落黎甿高視總痾瘵  
 凌巒閣外量襟抱蚊蚋驅來尙等閒  
 秋心稠疊許誰論咫尺參垣手欲捫滿樹鴉聲雙鳥踏  
 層城煙景一樓吞山於絕徼看纔盡佛有先生對更尊  
 何意亭邊人已出都來風底受餘溫

春日攜兒出遊郊外

蝨度螺牽出甕中秧田新漲菜畦風人家水住都眠綠  
客展花停祇近紅樂事多於清暇得幽懷肯責少年同  
披莎與更尋生意一隊朝陽鳳集桐

弔狄次公觀察

南斗沈光彩空山野鶴驚一枝纔偶借萬里竟長征事  
自關前定緣應結再生梅花三百曲此後向誰評

山行夜歸

一層春色一層城濃綠深紅湊一晴幾陣東風來木末

家家齊聽剪刀聲

蒙茸春草長初齊一路茵鋪快馬蹏卻為同行猶有月

停鞭不共夕陽西

一喜宅山先生至

荒荒何地著斯人露篠煙松幸肯親菽圃如看初揭帖

蓮花只見本來身一羣泛駕收狂迹滿架奇書寓淨因

慙愧卑比自尊大翻勞禮讓向西伸

昨日曾賓谷中丞予告歸養作此贈別

躬繼青螺起彤雲一片浮下天作霖雨詢瘼到蠻陬奎

位居南極護花感白頭循陔烏慘切聲達鳳凰樓  
 即日從炎微分身奉板輿孺心階秩外祿養鼎鐘餘淮  
 北收襟館溪西換草廬香蘇曾夙約先到視何如  
 笑舞萊衣罷支筇瞰翠微萬重煙雨過一浦晚霞飛雉  
 待斟殊切鶯供聽不稀那容都督座詞采絢斜暉  
 一載依公住長庚綴小星蠻花春不閒雨夕夢常醒乞  
 米門纔熟開雲路又經徒留韓杜筆鐵柱聳亭亭

送陳鹿坪之牧連州二首

纔堪羣蠻盡旋催牧五羊榕陰邀苾遠海水拓封長詩

格仍家法謂恭尹民風異瘴鄉展施應更易不止濟貧囊

丙舍初通訊庚郵又報籤身離蘭甸險味轉荔枝甜紙  
 閣朝雲共腥盤菜把兼何妨腰更折儋耳拜蘇髯

幽居雜興

才拙妄念退幽居事真討盤盤書萬千都不許心曉微  
 風洗愁雲猛然遇所寶碧海一團月終古懸浩浩絆身  
 有何事到門但野老偕坐話縣城識亂語顛倒悲哉昨  
 送者營營為一飽拍天波浪飛役役長安道

冬

端爲梅花厲寒修前江寒澁斷來舟雁衝積霧紛粘嶺  
鳳促朝陽忽上樓萬里遠山眠達曙一叢殘菊炳回秋  
金鑿幾級平生夢曝背庭階話未休

夜坐

叫聲撤拇陣四壁荒涼生芋火微明竈燈花重壓檠客  
先月斜散詩待晚歸成隱几輪僮僕華胥一夢清

賀雨爲曾賓谷中丞作

炎方六月陰陽消火烏騰煜蟠空驕慚無長柄雷公刀  
斷此妖焰抑其豪遂令近郊及遠郊浹旬威酷疑不消

農民憂憫計無聊秧鼓斯夕神祠敲須臾一帷將天包  
拔木蜚瓦聲咆哮電掣星馳早魃逃破窗揭屋兼涼颼  
十萬人家依山巢砮崖追嶽輸銀濤鰲磯滅頂虹埋腰  
女牛欲渡愁無橋或言龍臥白雲均夢回亂把領珠拋  
不然定如民間謠射天天漏革囊漂豈知我公司變調  
偶逢不若心爲焦葛衣薄餽坐中宵徒步蹊路忘迢迢  
親取聖泉水一瓢活我鄉中民及苗沿街立靖胥吏囂  
辛苦共者惟同僚兩壇因此天人交忽然山國海神朝  
晝夜生日虎豹嗥宮貯水晶簾垂絲又若錢塘觀飛潮

浪摧沙激摧枝梢何年廣廈換輕艘振刷兩羽從飄飄  
遊魚飛鳥公重遭起枯潤稿恩如膏

冒雨過友人宅小飲

暑雨負大勇欲已不能已十日大通坊家家住雲裏簷  
泥鳥跡滿時潮鼓聲死珠丸綴團繖鐵響吼雙履揭幘  
頭散雲脫衣手墮水鱗魚逐雨多蒲酒過時美座中誰  
無事都付明朝理紅日東方升醉眠呼不起

書稚存先生詩後

上下五千年縱橫二萬里納之溘于腸一齊赴腕底雖

然公有詩卻不以詩鳴自言讀此書祇欲世務明詞章  
特緒餘但假揮胸兵別有好題目久待歐文成胡乃母  
已送猶然身不爭排天一紙飛抵此千卷盈

和魯心齋太守還山原韻

美酒不飲盡捲席走風雪雙腳亂晶脫一回春夢歇松  
間揮素琴雲表下涼月返首望泮江誰猶漁網設

友人新築一樓招飲卽席口占

兀兀草廬厭移樽坐樹梢買山兼夏買邀客並雲邀酒  
態風狂舞歌聲雪亂飄卻宜遷吏近常過遣牢騷

送吳叔琥孝廉北上

蠻梧枝小不棲鳳飛入琳宮覓綺棟朝陽東出一聲鳴  
 山水千萬紛相送送君行盡崧山隈一館孤從天際開  
 亭可芘蔭井可食到者皆曰今蓬萊君去儻能過此處  
 寒日高風慎勿懼一將此地等閒遊欲上青雲愈無路  
 常恨我昔愚谷坐忍將好事讓人作可憐一幅素色絲  
 盡被輕塵香汗浣吾鄉科第君獨早文章志趣已近道  
 我言足用不妨錄我跡已陳儘管掃萬株春杏千行燕  
 昔在宮中曾識面看花啖餅到上林道我年來甚眷戀

咏雪

有意人間化坎軻半依高嶺半隨波十分了澈前途黑  
 一例張皇兩鬢皤山色畫家初脫稿春光蟻夢盡回柯  
 敲窗剪水梅花外防有清談刺史過  
 丰骨珊珊白練衣天涯爭共雨霏霏歡顏厦廣曾思庇  
 炙手門高總怕依泥護雙蹏羸馬澁花堆一背老鴉肥  
 如何圭璧方圓在尙乞東風問是非  
 也向瑤臺作浪遊橫空亂灑太夷猶敲門有吏仍能起  
 履畝無年亦許求幾戶梨村成住小三叉柳路感生浮

泥塗漫訝甘蹂躪肯與披尋爪尙留

幸值韶春帶熱腸寒肌生粟齒流香瓊瑤儻采恩還報

鵝鸛猶陳戰敢忘倏忽滿家栽玉樹分明大塊是花楊

笑他羽化昇仙去依舊全驅返下方

半骨種桂

不許園林有曠時靈根天半恰新移來秋此夜闌干外

折贈嫦娥又有枝

怱怱小住忽經旬月榭風廊顧盼頻恐有浮香牽蠹蝕

籬邊長著管花人

高嶺蟠根萬丈寬偶隨青女下雲端碧梧雨過蟾光滿

手跡分明在廣寒

賓谷中丞新建尹公祠

頑雲沍旁薄猩狔滿白晝覲面不辨人那知有天覆偏

有開天者要使天人湊其法如破敵先去梗路寇然後

持吾術因勢緩緩透閱久遂相安一掃從前陋雖然掃

前陋殊虧爲其首當夫抱經歸抑何般造就此亦似烏

江莫識延江舊但誇飲不竭不問是誰授幸賴發深心

闢堂列俎豆遠招毋斂魂來依文成後警欵雖未通志

略亦已遶一時子若孫應不虛此妬定將許應書數為  
芳潤漱古來大經濟先自根底究學者得所宗詎怕羣  
蠻圓耿耿千載心沈溺斯民救一酒酌尹公還作中丞  
壽

西湖八景

綠柳編長堤水來攔不放新煙堆滿橋疑挾六龍上

六橋煙柳

湖程約九里監州一官換其餘者屬誰君王許松占

九里雲松

屋向若罅飛人從樹頂踏瀑布喧如雷樵歌滿山答

眠可齋靈石樵歌

山泉冷不禁踴躍欲出樹四面野猿聲背泉嘯不住

此其衣冷泉猿嘯

樹色青堆屋湖光綠到門開窗望葛嶺煜煜上朝暎

葛嶺朝暎

偏是此關頭執金吾不警分明鷄鳴開已若不能等

昨夜秋風到秋信遞江間驚得滿湖濤當人立如山

昨夜秋風到秋信遞江間驚得滿湖濤當人立如山

山孤但積雪步步瓊瑤踏拄杖一聲落參差飛白鶴

題陳復廬少宰什一詩鈔

鶯聲聞處引琴揮寸丈邊塵定不飛料得過江爭屬目  
此身亦自夜郎歸

建安風骨競開張珠玉三千貯錦囊管蒯河清終竟古  
如何龍蛻並鱗衣

鎮遠朱幹臣太守課民紡織紀之以詩

邛水米缺黃平續一雨忽慳滿城瘡男者恃幹鄰亂逃  
女者熒熒惟仰哭哭聲俄達黃堂耳輾轉中宵悲不止  
散財發粟賑何難無能爲繼終歸死雁門舊傳多織婦  
口授指畫寓生路聘錢萬個向西擲頃刻延求女師傅  
澠水之曲編茅爲屋左擁絲絮右橫機軸雖曰婦功儼  
遊鄉塾我聞昔日延安守著議教民趨隴畝又慮布價  
倍西安遣人外郡募巧手延安四萬五千男每男計女  
約兩三驅之士園課以織數年利賴浮東南盜賊源滅  
廉恥生太守政簡刑亦清責民爲善在務本患至而弭

終無成焚香私替濟民慶生爲此邦民亦命紙袴草衣  
遍邊疆羨爾獨逢崔實政  
賓谷中丞以賞雨茅屋詩集見示賦此奉報  
江風不吹間氣斷二十餘人各分半就中誰歟得最多  
曾氏一家詩壇冠狂瀾初自廬陵迴定林相府宗門開  
海棠一枝出江上香氣濃逾江邊梅茶山采得餘花片  
研爲心頭香一瓣私祝先人護家法免使奸言乘其間  
天馬西來不可羈陡逐雲龍江天嬉出筆動以千萬計  
筆筆皆由天得之年來詩法頗變更嘲訶焦殺傷和平

雖云紹述有庭聞口眾我寡殊難爭異人佩印盱江起  
挺身壇坵招羣英遙見赤幘聞天下轍亂旗靡雙目眩  
當時宋玉播陽春已謂識曲聽其真自恨不如羅浮蝶  
得傍薇垣聞韶鈞風平水細湘山路忽從下界見星度  
下車示我八卷詩似欲望我江東步是時鷓鴣初收聲  
籬根蚯蚓猶潛鳴屏除螬雜展卷讀斐几急起相拍驚  
疑是番禺城頭潮隨使者車牂柯飄南嶽掀簸東山搖  
雷轟羅甸虹蟠橋又疑萬寶來揚州瓊琳琅玕天府侔  
驂騑百匹重難駝艤艦萬斛紛莫收有時撐懷發清談

談深渺渺通元關或將如意一指揮萬朵天花飛爛熳  
有時探袖出麗語一片心聲應律呂齊梁綺麗詎足珍  
陪鼎從來需雜俎我知大地皆詩屋列韻操觚自蹙蹙  
君不見青芝山下種花翁振纓建纛江淮東一生遭際  
何曾窮詩成乃與窮同工鄙人多載居瓊蓬兩眼若翳  
耳若充不圖神仙下璇穹尙聞雲璈聲玲瓏急築書龕  
詩堂東琅函覆之碧紗籠中留一地寬且崇待公一品  
集編終我乃持之補虛空

一朵山房詩集卷三終

一朵山房詩集卷四

貴筑傅漢星北著

男壽彤校刊

秋懷

欹斜幽竹間丹楓薄露垂梢霧竄空人語數家桑葉外  
秋心一片雨聲中頻探芸架香還膩不信蓬山夢便終  
蝌蚪眠蟬芒刺蝟勞勞笑濟仞虧功

九日登東山有感

腳手爬沙謝輩流渾拋羈紲亂松投名山與我生同里  
佳日如花賞到秋幻影蟻收平地著吟身鶻駕半空浮

入門笑指兒嬉處一道螺青罩白頭  
望鄉我更爲鄉愁稠疊蠻山夾亂流滿樹好花甘盜摘  
百年恆業付僧收無多肉贖鷹頻攫有限糧餘鼠尙投  
苦恨知聞天判隔飄騷雲表屢回眸

萬聲松吼野猿猜金碧孤尋老辯才夜入儘從苔借榻  
僧歸還喚月同杯聊停雨腳原如定奈是雲心未肯灰  
飽飯芋魁升閣望斜陽無限綺霞堆

鰲磯西畔霽橋東累世移家住此中月出瞰城如魯小  
煙消築墅較吳雄巖巔狝化空聞鼓岡半鵬飛尙挂弓

絕好娑羅蟬一窟靈根情不繫香驄

夜坐

萬事到更盡蟲聲滿院幽斷雲爭樹宿殘燭背風留豪  
氣餘杯外癡心付枕頭無聊松際月殷切尙來遊

題鴈

蘆花楓葉一秋忙落日飛飛下野塘爭逐各緣紅粒急  
遙天成影不成行

戰場

下馬沙場弔古人紙錢灰散草如新紛紛當日眞多事

一半爭來葬此身  
寒館獨歸感作

夜盡喧豗掃閒坊一望勻米鹽誰領屋笑語但聞鄰掩  
卷招魂息留燈現影親愛他增畔犬不睡待歸身

會中丞新建華陀廟

華陀非黔人何以黔人祀配之以祝融所取復何義中  
丞向余言黔古荒服地當其未大圖伏處盡怪異上天  
念下民神相南維畀舉火攻除之而後殲其類雖然殲  
其類餘毒尙未替時復乘人虛據之以爲厲誰能爲華

陀破腦而剖背軫念此民艱忽下中丞淚有術不及施  
施之亦不濟遂設神道教一遵前民例於城之極北闕  
堂崇祀事飭眾捐力修修成囑我記卽今看廟中士女  
紛紛詣但不先生諱其誰不受治我亦似劉邕剝痂受  
金崇忽還清淨身默默感神賜

和王曉亭先述懷之作

一念俄移厭軟塵承明潦草卸雕輪原知藤在終生藁  
儘向榕依豈芘身律轉詩書彰德報型垂兄弟領鄉人  
寒谿對雪聯舟坐數點梅花降色親

和伯宮保讀宋芷灣太守題大觀樓詩感懷之作  
乘流並入水中央四面環觀但渺茫公等幾人狂性在  
頻年兩個白頭忙風波裏足行難退舟楫同心濟易商  
聽得桃花春漲起邊氓祇向此樓望

金山偶成二首

長想想風帆

千金買一裘斤斤視若命畏竊而懼污矢盡一心慎  
翩殊自得役役已難勝皮骨寄傳客何當作此敬一禦  
寒具耳中戶產欲罄咄哉不幾時又改他人姓  
病馬度長坡忽然中道息主人百不求一閒已足德四

蹄脫危機嶮巖兔踴踣詎知鳥欲飛勢恆先斂翼青青  
原上草肯使誰空食傍晚望雲天長程尙如織

春日過山家二首

絕厓聳怪樹陰黑雲一團風吹墮厓底冥濛行客攔披  
雲過山家炊煙學雲盤夜來復作雨透此山田乾煜煜  
日昇東草木春爛熳松扉晝忽掩驛垣防來官  
積土亂嵌石年深作徑踏土鬆石決裂嫩笋生匝匝桑  
陰濃如墨粉牆給紙搨赤烏卓午臨光彩相間雜我時  
醉方倚醉顏紅如蠟頃刻五色奏慶雲高欲答

放遺才榜示書院諸生

已把明珠向海投忽聞珊瑚網海中收虛堂故意低繩尺  
雜木添名附柞樵半壁燈花回舊魄一時館僕轉青眸  
三千宮女看多少不盡寒梅占榜頭

即事絕句

高齋散羣書沿圃課種菜俯仰感桔槔一生那自在  
乳鴨宿花底香凝喚不起月臨花影橫驚墮一身水  
盤盤青石澗落落開寒梅兩三黃雀聲昨宵春已回  
俗事忽稱意滿屋歡聲繞向晚雨傾盆挽回禾不少

偶成

官是他人物偶然落吾手一旦索之去何者為吾有所  
以古君子不為浮名狂強臺得意時兢兢拄杖叟

出山

耕馬不久代穉條難繫舟日出與親別親言兒少留兒  
知此一行迥殊負米不寶鄉盜託足錦衣人屬眸調御  
偶失度環立森戈矛丈夫樂在義肯為羅網投所爭發  
腳際猛力祛輕浮寸祿是民力須與人分憂勢位何足  
計循職勝干求去去勿吾念吾亦即偕遊

信齋和壁間寄內詩

岸柳疎疎水乍乾  
天涯觸處感長殘  
征衣幸賴縫還密  
一月長途狎曉寒  
身兼鶴骨癯能立  
心似蘆灰凍不飛  
何處昇天容眷屬  
猶應鷄犬載同歸  
惠我風兼雪前途  
莫問程對人多冷  
面題壁得閒情  
肉貴貧猶買天寒  
病亦行此身已爲  
吏何處不泥阮

許州道中遇雪

由郭店至鄭州天始曙

一天如幔障昏昏  
手撥紅爐火尚溫  
夢恨未完仍伏枕  
路防多誤屢停轅  
輪蹄鐵盡沙傳語  
園沼泥開藕露根  
留看夕陽吾亦欲  
步兵聞已過夷門

過定州感舊

草露晴猶在橋霜  
午未消近冬農漸  
曠入郭市還遙沙  
軟艱駝步林空見  
鳥巢酒醴何處覓  
寂寂掩蓬蒿

范今雨被議發新  
疆以詩留別依韻  
奉和

擁上顛軫竟不知  
蕭蕭鐵馬走焉支  
分曹豈盡同星朗  
伏地安然任蔓滋  
事到上聞爭匪易  
官非原有去奚

疑劇憐大把人平看摘棗渾忘刺棘披

傀儡猶然未結場遙程如債幾時償荷戈破格需名士

賣字逢人走大荒得日自殊榕地暖來風終遜海天狂

馬聲遙聽雲邊過轉覺茲行策較長

獨有天橋見不驚中朝麟鳳例西行亦知頭在終防竇

卻喜胸閑好厲兵太華劈山通客轍黃河借水濯塵纓

便言仿佛逃都得總勝恆沙苦覓生

函關西去即龍門無限文心與細論得絕境遊真好命

有君子佳亦中原斂身行素非無位于地投閒始是恩

慚愧釣臺三月坐竿頭癡羨北溟鯨

天送王鶴亭之任潞安

巍巍新節手中持萬口爭傳喜復疑宦海也容仙吏入

臣心獨有本年未聖人知遇京察山經我輩登纔稱路得前

車引不歧謂灼三雲好把萊衣兼製就黃堂披進百年

危謂灼三雲山樞隲粟古風存況值謂灼三雲高懸鑒物神幾代官貧無異

士謂灼三雲九重天近敢欺人嶰嵌羔豹瞻原肅棘雜葑苳采

莫頻留守鴈門成績在得心最易是斯民

...

紅杏花開兩袂聯奇姿颯爽望如仙鴻章捧出將千卷  
瀛海過來又幾年衰靡豈愁無力振聰明終怕有情牽  
原田一望每每在要共雲鋤赴午天  
輪蹄飛逐歲遷流我亦名都作宦遊祇要蒲姿邀豸力  
何妨蘭東寫蠅頭日初長至難收線風不狂生也放舟  
倘遇郊迎掀淖拜還憐中有舊時儔

謂伯羣  
麤中

### 博野勘水

一天忽漏補無由蜚瓦碎崖響不收吏轍似蛇林際窺  
人家逐鷺水中浮泛舟祇盼來秦役仗劍徒勞募孝侯

底事露臺慳一紙饑黎萬箇里雙眸

### 閒咏四絕

傍郭樹幾重晚來借鶯住物情苦飛揚日出又四顧  
瑤臺峻極天到者但秋隼藤蔓何寬仁逢人便牽引  
紅日照高樹滿山雲氣薄羣鴉棲復飛雨響樹頭落  
老鳳得新巢遺巢與鷓鴣可憐拾唾餘拍口笑鳩拙

### 勘水四首

出郭向南遊蕭蕭路滿秋泥深難逞足樹折屢當頭溪  
水鳴還急田禾長尙柔自慚官計拙兩度聽鴻啾

水滯亦猶我欲歸無路通橫流三輔外如聚一盤中隴  
首尋渠渺河身墊土崇炎天淫潦發旬日望濛濛

折跌成波勢淹埋過柳腰眠餐城作屋來往樹支橋輿  
僕肩同負材農淚不消茫茫一片水何處得生聊

蟋蟀聲邊枕葡萄樹底杯夢都經路惡心直爲官灰浮  
鼻翹肩待拖泥帶水來斜窺尙清潔蠹蠹古賢臺

續勘八絕

一路經行至再三縱橫終遜土人諳可能使者巡行過  
也作汪洋萬頃涵

嗷嗷鴻鴈聽還留十萬人家水府囚那得濁河遷徙法  
兼程送到水東頭

團瓢聳髻浪簪花都作江心住宓家浴罷塵衣無箇事  
一庭鷄犬泛秋槎

行盡渝河路轉西原田堆疊上如梯此閒似覺瀦龍厚  
不縱桃花漲決堤

擾擾恆沙鳥一羣環輿爭與訴辛勤桑墻癡絕蓬頭女  
冒水都來看使君

只有曹溪一帶山巍巍雲表水難攀秋新芾野開晴色

接待遊人尙舊顏  
一曲青琴屢罷彈  
登櫟杯蠶夢誰安  
無端萬顆龍宮淚  
也並蒼生灑向官  
夙心總把此官輕  
慣作乘風破浪行  
忽就菱花閒照影  
何曾半點類書生

偶憶

眾鳥不爭處自南來  
一舟城傾惟賸土  
水據屢無秋披  
草驚蛇走疎閑縱  
兕遊泠泠泉一畝  
幸不客戈矛  
月轂蟾蜍轉駒光  
茜苔過蕭條生  
雨夜衰白上霜  
柯素

志通丞尉肩軀負笠  
蓑寒蛩喧草澤高逸  
奈秋何

八月十八日兒子華  
新生辰作此箴之

秋風嫋嫋下庭柯  
瞥眼駒光廿載過  
崛起那從貽業富  
借遊終慮染塵多  
舊書癖在閒猶理  
殘墨緣深病更磨  
私就桂叢發癡議  
不應一折了婆娑

一 朵山房詩集卷四終  
八月十八日  
八日  
大風  
...

一 朵山房詩集卷五

貴筑傅漢星北著

男壽彤校刊

滿城不應驛差久矣予莅任後斟酌勸諭輸納者  
殆無虛日邑中人士謂予調處有方各執匾聯以  
贈子感且愧賦此答之

一 城如斗玉山陰春雨花時捧檄臨正愧庸樗幸匠意  
敢誇老馬解人心傳家譜在繩愆細頌佛端開取戾深  
聞道隔河尤溢美賢臺擬樹石森森

去邑城十里為黃金臺邑人以予政

立石其上

章程約定仰前人十九村墟獻納頻邑有一百五十村庄編為十九處名

之曰約每遇差事則約正總成攤派織末誰甘留馬害羸餘還足補官貧

驢輸驟運規從陋蠶食鯨吞算入神吸盡脂膏敲斷骨

傷心豈獨謁山民謁山村十九約之一也散約自此村始

一村倡始眾村隨驛館斜陽坐屢移孰肯公然長背義

翻愁來者別滋疑予之先有受民賄而改減其數者然皆就其現應之數而改減之非如今

之全無以應而更始復之也取之有制呼原應出以無私謗不辭轉

瞬爪期相代謝還希同力護蕭規民言洪姓氏

盈千累百費支撐況值連年大雨行禮在必為仍率舊

刑如可恤且從輕虛懷應去時還悔嚴譴聞來我尚驚

底事千秋巖野畔更期追躅振家聲頌予匾曰追跡良弼

二月十七日次兒華賡上學

筆吐新花墨放香衙分一角絳帷張不圖五紀行將滿

問字俄成鴈兩行

愛子如香我欲薰餘田隨手種秋芸盤盤堆架書千卷

許汝他年一半分

功名富貴有來因要爾從師為爾身且就竹橋編處立

學他救蟻滿腔仁有邑庠宋生者言貌誠篤予延之課讀

分廉買辦束脩羊三日槐厨減鶴糧最是阿娘更癡絕  
一書成誦一錢償

復示大兒詠林

氣爽唇端潤眉開眼角舒一身風定後萬事日來初戎  
語何嫌共謀生亦冀如替他更私幸先得爾傳書

高峪

岩堯高峪薊門東有客攜琴寄此中雨後紅霞飛簇簇  
秋深黃桂長叢叢逐糧鷓雀饒生計就暖牛羊得睡功  
羨絕衣冠三兩姓百年消樸扇家風

由滿城赴豐潤留別

原是長干已嫁身隨船飄泊敢愁頻數間石屋無緣住  
幾樹槐花祇夢親此席已殘空徙倚他邦久待豈逡巡  
勿須苦向曇前乞不少香泉代李人

瓜花如掌帶成圍寒暖纔交手又揮萬姓瓢居鳩計穩  
一官萍泛馬曹微徒銷長夏留何益莫竟前功去亦非  
幸有瓊山來替手移琴泉左奏斜暉

平郊連歲雨傾盆問訊蒼靈幾箇存瓦豆療饑山石粉  
泥床送暖野蒿根羞將鵠面豪門立忍逐鴻聲異地奔

稍喜荏苒非慣習嚴冬晒遍了無痕  
怪絕官城去驛遙因墟築館更迢迢星軺脫卸堆茶肆  
月廢推移就柳橋竟作桑園教客戀羣依象勢向官驕  
可憐物物脂膏積狼籍衢旁鼠雀撩  
端居俯瞰亦蒼生伸爪磨牙貌獨狺視票如鈔通僕乞  
鑿心爲壑要官盈也知坐我虺蛇縱無奈先他臂指爭  
月領千枚家入口窮檐靖得幾噉聲  
秋風潞水粳香時環解家家玉作炊檄下喜如垣得鵲  
門喧愁有野來鴟邑留馬廠會侵地路遙雄關且過師

謾道提封較宏闊恐論安謐不如斯

夏至日齋中閑作

羣花披剔到薔薇綠意紅心亂蝶圍槐  
屏雨穿蛛網脫  
麥田風掃穗灰飛官兼郵遞鄉來易農爲春收縣入稀  
笑絕匡牀容吏懶數眠數起未斜暉

遊仙詩

直指璇穹作浪遊此間猶更有神州蒼煙忽破看來路  
不止蓬瀛是下流  
紅雲厯落兩三家采藥歸來理釣車一竈藤灰新燒影

張騫昨夜此停槎  
久住人間忽放回  
芙蓉相見也相猜  
塵衣尙累銀河洗  
忙掃支機石上苔  
浮空一片野雲黃  
憐我清癯贈作裳  
忽起一聲聽不得  
門前蒼狗吠文昌  
逐隊趨班走帝鄉  
踟躕一鶴馬頭狂  
果然一品神仙貴  
常駕雲龍侍玉皇  
調轉宮絃聲入商  
羣仙分體詠霓裳  
傳來只是尋常話  
卻共鈞天入奏章

眷屬全攜住綠天  
借來雞犬亦疑仙  
憐他歲歲河橋畔  
一對離星話隔年

別有良方駐此身  
何須數數究來因  
旌陽勾漏雙仙令  
上界原多我輩人  
劫斷風廊月榭邊  
藥鑪陰火挺青蓮  
韶華終竟歸天上  
數到錢鏗尙少年  
何曾雨露玉真偏  
拜謝來禽我卻先  
一椀瓊漿嘗過半  
客行纔到月輪邊  
神仙一例許分符  
鶴俸支銷海上租  
夜半燃犀幽窟照



詎奇絕竟不慣數計最鄙莫六博著手總成滯嬰圍暨  
橘泉道曾寓諸藝既無鸚鵡圓亦遜雷霆銳治生賴此  
券從政幕胥替幸而艱大事不忍於我試黑風吹海翻  
斗室安如地

喜雨

典得春衣便贖鋤羣生回命慶何如螿蝻斂酸穿同蟻  
落葉翻身走若魚花判並呼雲共聽驛垣都放馬閒居  
惟聞北去天慳甚澤下頻量只寸餘  
漠漠蕭齋商意生十分酣足灑縱橫琴書鄴架新添潤

雀鼠莎廳亦住聲祈不要官知厭佞歸將有路豈愁盈  
臨郊瞥見懸雕處六翮瓊種夢尙驚

哭朱勳相觀察

蓬山同下不同歸雲騎聯翩去若飛王度猝逢魂定妥  
西州重過事俱非一般奕局知誰勝滿地官程指此違  
祇冀文昌靈氣聚新成堂構發祥輝

俄看銜版費追尋溫藹如春坐最深仙隊舊隨原識面  
瑤琴乍弄便知音嶽身爲我低同輩餽口逢人話苦心  
劇悔書來遲作答鬱爲哀怨發孤吟

自縣早發

肩輿先日出麥飯隔宵成捲牘姑停止移廳暫畫行遠  
村分樹色健僕吼鞭聲應惹閒雲厭高眠我漫驚

臘月出都赴豐潤道中

駸駸苦被一官羈梓館蘭筵瞥眼移歲亦與吾同此送  
家都在路更誰思逃遁差較登臺穩厭事翻貪下檄遲  
玉粥金姑憑擾擾鞭花搖過不曾知

次子華賡出痘

度此如關肯放誰寒風一路病軀吹尙疑呼我非眞父

敢說虜形是醜兒手拜佛堂求法護頭低逐僕問方醫  
無聊自撫平生問恐是庭前有濫笞

縣中雜詠

苦笋甘瓜疊饌嘗恩恩應鼓又漁陽名山竟讓中歸縣  
滄海平分半與昨針芥倖投韓太尉脂膏豈潤孔姑臧  
卻愁尺寸皆恩債未盡樊洪不受償

除夕表弟惠春亭到豐潤

何肉周妻忽了因飄飄天地一孤身饑逢坎壈都忘險  
宦寄遐方竟有親作客怕聞惟此夕來時拜送更何人

山鄉饋歲椒醕在且一斟君代洗塵來執我法更何人

元日霧

乙酉

朝歸走人亂雲深雉堞雄封杳莫尋遍野尚傳年意好

漫天已告雨心淫孽蛹凍穴根猶在噉鴈寒空信久沈

葑屋萬間沙一片何堪遙望又蕭森韻管豈斷其故

卽事

封狼狡兔亂荆蟠去路如詩得句難盡笑今人奚置我

偏餘生路祇宜官遠山樵住聞幽響淺水船過散細瀾

劍閣崢嶸瓊觀隔可容飛鳳展修翰更別意對問式

與夫感書夢願零細裡亂玉崇

口無依累眾骸窮年道左往還來看同驟馬生何命

扶過巉巖仗此才薄餼會分官俸補寒宵直恕博場開

傷心負米天南路側臥歧亭日幾回應我

一輩出縣計四峯不存此紫何日

符飛萬道促春行駐綠梯青兩鳥撐花要路看頭敢縮

馬貪樞脫命俱輕官齋荒寄涼添夢役鼓饑驅喜入聲

大例眠餐聊部署也關經濟要儒生

正月初四日到遵化宿公輪廟此中

脫驂遙引傍先生忙換官衣且拜正也怕此中規矩錯  
默干訶譴到神明出關錄要謝生

偶然持節領雄封裘馬更番望楚供說甚同岑苜食合  
一崖珠樹待剛峯何真定

蘭庄道中阻雨月如亭日遊回

平疇煙靄畫盤盤僕馬同爭屋一椽訟紙裏泥隨地判  
村農收淚往回看野天作悶常如夢林鳥無聲似避官  
棖觸旅懷思舊夢飄零曠野踏狂湍

### 馬厰

隔海尙十里海光生衣邊斜陽三兩家風搖寒無煙土  
面開白花花落成膏田民貧本借濟水來貧依然草泊  
四面圍養馬良安便向令更養人侵漁應我先昧者但  
計利詫爲奇貨專不有宰相言此累何日捐

### 戲題洪陽寺僧官

禪堂分半作公堂剩水殘霞滿印床是色是空是生滅  
這重疑案費籌量

一般戒律受蓮師夢覺同天肯縱誰到底不如君自在

官衣祇為接雲披

言重錦衣費難量

軍空令半於公堂陳水楚寶藏用未具白景空景空

是也共夢寺僧官

指味苦酸有實專不百牢味言出累何日計

四面通曉說夏交動向命更委人對然懸掛式却香出

血門仁海法知通自深食本於務本不食於然草出

國每百十里到於此亦長將遊二兩寒風無士

一朵山房詩集卷五終

一朵山房詩集卷六

貴筑傅漢星北著

男壽彤校刊

冷宮

一般熱鬧競登場別築官衙近奉常春到尙遲誰共座

薪傳都盡祇餘香花邊送客攀雲峻海側觀人踏浪狂

何事炎坑排烈烈藍池掬水濯征裳

寒士

芸草荒荒一卷開東皇遣鬼送窮來空依阜節投佳句

誰與紅爐鑄橫財衣曬半竿聊免俗簫喧滿市豈無才

一貧翻悟安身法謝絕江船浪萬堆

貧女

素影娉婷阿母隨身如寄客也長飢嬌癡詎解夫家貴

偏多聰慧攢針耑往往釵鈿是手遺

送罷將軍獵渭回孤城遠戍靜煙埃弓刀半改爲農器

歲月多餘付釣臺訓練有時聯虎隊眠餐無夢到龍堆

一聲砧杵西鄰起尙憶山陽笛裏哀

通州道中

客行不計程眠餐嘗潦草上車卻安恬春意滿懷擾隱

隱山外路所幸識尙蚤崖樹易蔽天霄鳳豈例鳥一雨

恩幾何救回生不少耘耔自食力慙謝山田老飲馬鑿

潞河形容變枯槁

出郊行

一身奔走輕於鶩偶爾在衙常在路癡牀無夢厨有腳

軒裳黯淡泥塗污出郊一村復一村一旬未屆幾回住

平生本愛農家好偏教此時親此務菽麥瑣事喋喋謀

一

一

一

水來同捍蝗同捕窮黎見慣忘官尊視作家人苦具訴  
孤嶺日斜古祠坐僮僕眠雲馬繫樹夜來蛙聲滿山窗  
公然吏被神仙誤米鹽料理委妻孥客來主出易應付  
獨餘一事終歉然庭閑一日牒無數

感事

款洽梅花外深深晝掩關蘭念驅馬過麥壤送蝻還酒  
力常訾薄詩情不放閒僮奴環吏立笑指一肩山

夜宿茅家垞

車軸山連處垂楊送晚陰鳥聲晴後顯轍跡雨餘深軒

僻貪長住途危懼獨尋不圖牆角月先我片時臨

早發至郁陶賓同年館中早飯

已有忙於我雲鋤一隴聲榻寒成夢短草溼受埃輕客  
路蹊邊合年光硯首生此餐須鄭重也似戰場爭

捕蝗過鄭繩之宅繩之引諸弟赴京鄉試惟晤益

齋孝廉因留飲並宿卽席賦贈

馳月穿雲笑吏忙硬披帶草縮斜陽元方弟在仍招客  
彭澤春來半住鄉破產買書調鶴病助官爲飯賑螟傷  
問君幾世家斯地鐙影機聲尙北堂

復出縣西查蛹悶而有作

勞勞去復回別柳又尋槐池尙環橋鑿窗頻對海開藍  
根雲亂抹草面雪濃堆怪底常胎孽深叢盡葦材  
芸耨幾旬拋荒荒半不毛水經驅鱷擾山爲捕狐呶布  
棗依城送銅鐙滿地敲兒童都有事掃斷綠楊梢  
努力同除患還防患更生每投孤寺宿祇帶一僮行昂  
價傾蚨換癡心喉蛤爭誰知羶臭在別惹眾蠅營  
四面開濠待乘他奮翮難可憐方人坎絕似疊翻瀾睡  
惜窗猶白行憎地不寒天生是何手怒斬孽蛟蟠

祇算司農吏芸囊半野吟俸錢供旅盡泥野陷官深荳  
稗餐兼穀槐高憩就陰此遊差較好未得冒愁霖  
怪絕巢松鳥都來戀使君坐車同話月卻店直奔雲路  
婦饑慚對農家苦飽聞儻能陽羨買應不誤耕耘

委員下縣查事作

一方難發眾官喜伸爪磨牙源源抵詎知趨眾攻賊城  
賊未必得城毀矣君不見開邊疆築海塘捕蝨賊賑鴻  
糧爲國興利利不得苞苴迎送官先殃爲民除害害猶  
在肥胥飽吏民仍亡地方受弊如受病須使安靖樓閣

房家事不聞外客絕然後病源病勢乃得厯厯推精詳  
否則病者驚惶醫者亂一藥毒發千百瘡將欲顧此又  
失彼祇見渾身皆病何從下手施靈方附畿畿爾十室  
邑頻歲所入無多粒供養蓮花已不支畜鴟餵虎力何  
及持刀刺人實自刺以盜攻盜盜益恣脚親眼見不足  
憑豈有懸度能重寄

坵上梁孝廉招飲並留宿山莊

客行竄入野鷗羣陶謝春光竟許分關切到公惟永日  
招來陪我盡閒雲托名祿養虛鄉樂借我郊行避訟紛

一第便歸真上策賺他多少鶴聲聞

撲豐臺蝻子

蝻來自縣南我眾據其北袤延百里遙相距若敵國蝻  
心狡獪路不迷不定縣南走縣西須臾豐臺城如倒穿  
衢拍戶萬夫擾帚影鞦聲苦不支百船河裏泊多時蝻  
性宜水復善渡忽張網撈蝻就捕君不見煮海還鄉祇  
一水蝻於此生卽此死狂來欲發王蘭莊改毀馬廩築  
銀塘此中孽種尤不少專事掘挖何時了

贈鄭繩之

台州一退勇如師壞厦頽垣手獨支所得如君真算士  
豈知過我祇談詩諷暉統罩花無勢荆露平分鳥有枝  
彈指潞西秋又到萃笙稠疊畫堂吹  
讀椒山先生集書後  
九殿塵昏赤兔盤羣鳥瑟縮凜霜寒強人認錯情原妄  
有理懸心死敢謾虎口黑風甘獨冒龍庭曉日幸重看  
磨牙狼狽都門路若箇奸魂款段安

夜宿新居

息我勞筋又此村煙花重認眼昏昏入秋山色清於洗  
得氣蝨身健欲蹲破炕火殘連溼睡香杭水漬帶生吞  
檐前羨絕將歸燕任意爲巢價不論

通州道中二首

農收了無事倚石補高眠  
菰吐新花白荷餘晚葉圓  
人家斜傍水眷屬半撐船  
旅食無多好奚囊賸俸錢  
積潦參差退縱橫路幾條  
人心天密轉秋色水全描  
殘暑延蠅狡嚴程縮馬驕  
漆園遊亦吏所遜是逍遙

感事

莎廳徹夜雨琅琅匹馬騰西忽卸繯入世我原非鬼域

投林何敢玩豺狼，憑他置喙心嘗裕。從此抽身策更良，轉笑庸奴多攬事。苦將前路問蒼蒼。

八月十二日沙流河旅店題壁

一痕白浪捲沙流，立馬河干霧氣收。莫笑此行多愠色。

一輪月照使君頭。

一曲琴聲細若絲，成連去後許誰知。憑教世議違心隘。

雲過西山見有時。

復豐潤任

無端河水放還鄉，哲哲寒燈夜轉光。棋布許誰輕結局。

劇觀如舊復登場，客車詎止驚三至。鵬翮終慙抱寸傷。

稍喜琴停剛八日，哦松不另改宮商。

出郊

秋田刈既盡，彌望平如水。一痕抹遠山，矮若雲欲起。孤

村類伏虎，團團臥煙裏。驛店爭曉市，客至厨已理。草草

具晨餐，及此膚寸暑。牛鈴響琅璫，道旁喧客耳。屈指所

去路，積足僅數里。輿夫力易盡，一人兩人抵淺水。亦恐

陷時復解，做屣傷哉。拾穗婦髮亂，顏色毀所求。但一飽

艱難，有如此悠悠山外月。日高風正美，此邦許吾遊。又

自茲出始

答鄔秋舫同年見贈原韻

久被塵鞅累此生憑誰披菊鑿秋清對君真解胸中結  
笑我何慳口角情果是薄醪應市禁斷無老馬不童輕  
相逢幸有鍾期在別寄遐心勵邁征容至與白野草草  
五鼓自遵化早發  
夜漏至冬永睡起尙餘半明星等行役先我馬頭爛近  
郭稠人煙鷄聲融一片是邦久無事門吏鎖鑰玩雲出  
復雲入擁擠不容線輿夫立危蹬肩壓兩踝顛歸途在

何處原隰霧混亂四山受鏡削來禽失覲面須臾混沌  
鑿一九東方見驅犢集農陌振驢出客店從此都不問  
況宰萬家縣

歸期

何須叨絮問歸期便抵南荒路尙歧安定此心隨足踏  
風波處處夕陽時

古意

青帝心不死驗者惟孤松直到春復來纔覘初衰容嬌  
然桃李姿非不滋生同稟賦奈微弱一春已難終癡情

我欲爲天計齊此陰陽爲一氣榮者勿喜悴勿悲一團  
混沌萬萬世

自遣

繁華飄忽散如煙一道疑城巧障天花歇有時空怨雨  
珠潛無際苦求淵然湯竟替鷄爭命兀座狂思鳳比肩  
怪底八垠嗟偈仄崦山一朵失餐眠

偶成

蓬山不得到意想時時開一聲繞筆飛吾心自外回  
有得

大塊浩無畔紛馳悵客勞春風新柳路斜日故山均鼎  
食誇蕪好巖居羨燕高眼前誰領取甚欲向禪逃

自縣曉發

吟鞭遙指保陽揮不似離家轉似歸明月一團晨尙在  
殘蠅幾點凍還飛僕新漫責同憂喜佛慧終難混是非  
寸草亦關東帝命何能宿霧間春暉

京門道中

枵觸多遺恨徘徊出此城沙坳荒地力石路壯車聲駝  
背拖霜到雲陰釀雪成日邊干役吏一檄並春迎

少婦詞

御溝分手路三叉  
潦倒攜來苑裏花  
一錯竟無緣法救  
十年江上理琵琶

杏擔花聲巷乍過  
寢門晨啓省微疴  
分明一樣舉闈問  
畢竟承歡冢婦多

衫裳近日太翻新  
往往披來不稱身  
好是同懷諸姊妹  
聞人訾議黯傷神

鳳臺高去上無梯  
僕隊奴羣勢欲齊  
噴喝釜鳴都聽慣  
夫家名分壓頭低

日日追隨是少夫  
直將兄嫂抵翁姑  
客來抗手陪佳話  
卻抹頭銜侍捧壺

也知主器重難勝  
強欲伸頭苦益增  
中饋兩餐蠶一室  
成家幸不要多能

卽事

浪跡天涯忽半生  
孤山落落仗誰成  
一枝許借仍棲止  
果是斜陽再定程

現身法在用依然  
祇管長驅穩著鞭  
客是歲星尤莫定  
恆山朝發華山眠

清風薄幸月無情吹斷沙塵照水明拍案一呼究何益  
可憐死尙戀西京

大豫郡再玄詩

...

...

...

...

一 采山房詩集卷六終

一 采山房詩集卷七

一 貴筑傅漢星北著曰必黃用一發男壽彤校刊

捕蝗賦中

捕蝗捕蝗捕不得官日忙官有法蝗敢欺官有勢蝗  
不知任爾密箔張不能高於牆任爾長濠開不能深於  
隍一時走者或難過兩翼能飛將如何官去官來復胡  
益徒勞僮僕病書役農民舍蝗急刈麥麥刈無幾蝗愈  
積道逢赤日行當中蝗飛如雪蔽蒼穹逆風引馬蝗羣  
衝瞥見來人旋復蒙填街塞巷流如水野老望蝗轉驚

喜言蝗去此將之彼君不見貧婦拾穗供午炊筠篋泥  
脫遺蝗兒日吞膏中黠張吹雲蕭蒼脊或風何風豈豎  
益莽感懷對歲書分蠶只舍與念以終冬以燕然黠愈  
尺土何堪萬馬屯堅持壁壘盜同論井疆豈遽從虞服  
鎖鑰空令下北門樹集片嵐添鬱鬱天慳一雪破昏昏  
捷書頗具雕龍辨莫替危衙理覆盆黠並淇官自夢

遵州道中

東風代東滿山呼雪白沙黃併一途驛僻上程梅使少  
年新入市酒家無肯隨飄泊仍殘帙不斷溫存祇舊鑪

一事頗防青帝拂和寬之政並春敷

春梅

枝北枝南聳盡肩潛修忽近繡衣邊蠻花庾嶺初離劫  
涼月遼關兩送年一瘦便知生格怪孤寒終讓出頭先  
萬千穠豔環東閣祇供林逋一悄然  
再咏梅花四律兼題日景  
萬里孤山下白龍滿身雪影護重重生來不俗真如玉  
問到同羣但見松倚閣幾回探客信橫窗數點轉春容  
冷雲黃月清溪畔不想瓊仙得再逢

一樽臘酒對花傾  
回首西湖歲幾更  
得自夜深詩更好  
移之琴左吏俱榮  
東風池館鶯無訊  
暮雨關山雁有聲  
多少鉛華春一夢  
肯容纖垢累孤清  
生來不啻真眠汗  
偶爾遲期緩放香  
筠簾鎮日鳥聲鏘  
俄教撲面皆淫霧  
豈意關心有太陽  
苔共岑生交易結  
柳當路列折難防  
隆冬肯耐窮廬臥  
那得寒流尙裹裳  
冰裏淋漓出鮑步  
官閣崔嵬有舊因  
煙波欲去故逡巡  
騎驢門過憐翁放  
送鶴山歸嘒旅貧  
如此結場仍得意  
笑他寫照獨遺神  
濃桃豔李爭榮處  
一例謳吟抹此身

白州牧席上觀劇有感

鳳笙龍管唱雍雍  
並入春聲度曉風  
記否大羅天上會  
霓裳一曲共君工

詠昭君

風雪雄關淚萬行  
琵琶何處問蒼蒼  
肯甘一婦依村老  
翻覺羣恩讓妾長  
結髮空教尊帝子  
贖身誰可替中郎  
塵顏休更誇穠豔  
塞外嬋娟月淡黃

上元後一日邀張鑒湖孝廉輩十八人過署爲赴

試春官之餞卽席賦贈

好鳥聲聲徹曉催呼童趨案捲文堆浮生一覺鈞天夢  
又向羣仙話一回  
巷北街南故事收環衛爭看小瀛洲就中我更私相慶  
賓刺無人署姓侯  
生就天家有用材春風轉瞬看花開笑他麟鳳稱門下  
先要眉山看過來

屈指東來倏一年魚黃豕黝滿胸填燈花都較尋常盛  
一網珊瑚耀畫筵

書鄭板橋詩後

不與人爭月頻年汶上行一軒開檄攬遍地掃櫬槍簿  
領姑從吏圖書慣養生喧闐廣陵市時復聽歌聲

苦吟箴

兀兀閉門坐望之如枯禪安心與止怒論理或者然起  
視印床側判稿逾詩篇閒功聚紙墨實害歸閭閻猶自  
命李杜動口千秋傳豈知世無濟心修猶隔天龜骨而  
豹皮寢久庸能全所以石東村一朝焚萬千

書魏文帝紀後

異氣分明聚一塗恩恩石馬又東吳私恩莫遽誇遷部

也杖蒼靈暗裏扶

書陶潛傳後

乞得羲皇無事身閒尋柳外且腰伸督郵倘更潯陽過  
箕踞科頭要侮人尊豈賦詩無事心跡空留天籟骨  
俗吏行蘇蘇指點問心無事書畫圖開  
一行作吏泉出谷黏汚雜穢隨塵逐風雅清狂章句迂  
一齊抹盡餘一俗屹屹百重案森森三尺木紛紛滿庫  
錢陳陳萬厥穀日日著吏於其間一箇市僧居當軸捏  
拳通爪行擊排握算持籌事販鬻矯而除之勢不能安

而處之情實忍吁嘻此中多少不羈才染得此疾醫莫  
贖不知何事竟格天往往卑庸天與福

老吏行

作吏老不得一老萬事息簿書亂眼光拜跪窘腳力刁  
奸伺倦投惡蠹緣腐蝕一隊同來侶無幾在其側深閨  
改花樣大海轉風色破船行不去古曲奏誰識如何不  
自鏡鬚髮尙塗飾望階神先阻聽鼓耳如塞待僕噴喝  
稀謁長退避急積案堆細塵行稿著淡墨文移過旋忘  
年紀愧常匿肩弱便輕裝齒落負脆食偏厭舊姻老奮

勇求新特官派固宜然爲君添一賊  
滿腔幽憤要誰同直奮孤軍入夢中  
花魄散天隨帝在冰身逐水送朝終  
一般妾手生偏毒若箇臣心問尙雄  
可惜長年深院閉獨教桃馬建膚功  
無幾五其四

喜雪  
直待春深代雨來庭花略掃竟成堆  
荒沙凍入蝻摧孽燥壤膏融麥暢  
菱雛鳳一羣泥淖出哀鴻萬個火湯回  
升階欲借香瀟灑先向農壇酌一杯

邯鄲祠

徹口通口路一行容誰伸口話荒唐笑他抱此身無奈  
也爲黃梁一飽忙

分形烏兔共迴旋一例雲花過眼前我恐先生都是夢  
苦從塵海覓神仙瀛瀛平壘水飄飄綠春台感覺天恣  
拾得霜薪緩緩添廊西蘿月正纖纖癡心擬更鷄人告  
莫向銅壺浪促籤  
南船北馬擁紛紛野鷺沙蟲混一羣卻算書生天不負  
狀元宰相大將軍

戲送諸同寅赴任

縣牒紛紛下燕雲走馬忙岸梅先雪白臘晝近春長吏  
讓新成屋田餘未啄糧家僮增意氣負債辦官裝

詞客登樓日經壇廠席年星光騰嶽麓春色遍蠻天忽  
過寒村間都無尺宅延森森墓旁木薄植售商船是燕

張氏舊宅

堞護沙迴甲第成春光欲駐馬難爭巧聲震曉筵初散  
春語喧鄰枕尙橫圖書滿樓隨客竊園田萬畝付僧耕

幸他桃李門稱盛積與饑鄰遍寄生

旗差過境假館於城西之沙流河攜大子應之

何須轉徙嘆生浮昔例天涯假館投山色滿門尋客入  
河聲雲柳送沙流偶餘吏暇書仍讀卻被詩難獨屢留  
知否輟耕火幾姓環門瑟縮待分憂

不邑民有苦連歲遇災而愁吁不絕者作此慰之

艱難生苦康暴殄釀災否蒼翁且爾彼何心要憐爾既  
樹豈無穫乃備奪其恃農月騰驕陽腴田灌淫水猶恐  
毒未甚割食度蝗嘴降凶固慘慄其實幸有此不見河

以北郡縣約萬里山谿占其半可田殊無幾爾得盡膏  
腴歲入常倍徙天何厚吾邑苦勞不到爾盈滿必召變  
造物一定理轉盼機將倦厭植各返始乾坤夫父母那  
得不愛子自苦庶幾災而怨和不然肯許此慰之  
暇香二月廿七日京門旅邸雨雪並作有懷

推案理吟鞭騰身到綠邊春分人聚處雪戰雨來天小  
住佳於隱閒行穩若眠昏花慙兩眼盈丸試新篇容人  
題沈葉舟歲朝圖

漆園夜夜舞飛霞

深紅淺碧鬪紛紛淨洗玻璃款若雲尚有蓮帷雙綵筆  
花開歲歲更朝君

自入芳園是此身迎春纜罷又朝春行過石畔分年記  
恐亦東皇未了因  
春色無踪鳥尚猜幾枝先自手中開仍須我意如天意  
莫太頻搥羯鼓催

登車軸山

騰空一騎猛如飛棧撥鳴羣上翠微古徑雲堆槐已密

平疇浪起麥初肥重賡歌詠悲前逝每謝登臨憚晚歸  
怪絕枯僧偏戀吏斜陽紅處話依依

喜晴

暖意覩全破昏陰掃竟開衣披重映日車過尙疑雷移  
席當花飲留詩到夜裁縣南應更樂麥屋刈雲堆

嘲營田吏

破解三間沒草萊臣初原自此中來何須屯戍編名入  
已似君門解組回負戴重於家口累經營仍要簿書才  
笑他卓午炎天下爛額焦頭也怕災

卽事自遣

蓮波晴無風彌望平如掌小娃放船回忽皺微波上洲  
邊白鷺凝不動船去船來自迎送從前私盟花亦知故  
作委折竟何用田田蓮葉疊錢聲似亦同抱不平鳴君  
不見丈夫閱世何不有落落蓮臺糞著首草薺與可色  
書懷  
蘭蕙存嘉植幽棲性所耽羣芳愁眼見萬怪失胸含頓  
滌腥羶臭終爭斗石甘一聲飛蚓笛顧影總滋慙  
爽垞阻雨三日行十八里復阻水渡河留小集鎮

爽坲忽不爽漫天雨作祟三晝復三夜一片墨雲漬手  
撥嫌無力對愁復何濟人生入宦途履險乃慣事果其  
坎壈逼豈能此久避冒雨戒行李掉身入林際雨下水  
逾上高者竟丈計眾夫護一官聞呼齊奮袂不滅祇有  
頂餘體盡水蔽一夫熟識路低窘教之試草鍼與石角  
一步一防備僮僕瑟縮立冷汗和雨墜無舟用簸波翻  
喜較陸利得失頃刻決存亡兩手寄升岸泊小屋形神  
疑隔世回首望來者愧作此邦吏舟楫不可得杠梁亦  
小惠如何都不爲重此行客累宛轉松樹下作詩當過

記夜來蝙蝠親差勝共鷗睡

偶成

梁鴻文藝鄭虔詩話到恩恩偶及之昨夜邯鄲初入夢  
聊存泥爪慰相思

鼠嘆

鼠乎鼠乎我不怪爾怪捕爾者較爾尤鄙爾食於我一  
飽足矣察爾之心未至於死捕者不然一腔譎詭未能  
鼠捕又勾鼠起鼠乎鼠乎勿曰我毒爾來食我我與爾  
穀爾來依我我與爾屋誰實教汝別滋他族供爾千朝

不敵米宿爾意我知不過果腹爾腹誠果我力已蹙  
爾腹又凶爾欲爾平爾平以日非毒爾來食非  
爾腹矣奈爾之心未至於此爾皆不然一  
爾平爾平若不對爾對爾香薄爾次滿爾食效  
爾腹對

一朵山房詩集卷七終

一朵山房詩集卷八

貴筑傅漢星北著

男壽彤校刊

遣懷

塵海蹉跎歲疊更偶然餐露解朝醒浮華飽閱欺難試  
舊句重看悔忽生戀晚黃花施色淡怯途老馬奮蹶輕  
猶嫌么鳳爭蝸寄不斷桐岡剝啄聲

朔雪炎風震地悲藤花爭送上頽臆也知山嶽終難倚  
偏戀軒裳要強支卅載狐飛驚客冷重倉鼠泣訴官虧  
徒攜一卷長康畫笑倒金城喚虎癡

北馬南船促宦成，依依一卷枕猶橫。  
兒圍簿領閒仍課，客帶風騷遠亦迎。  
苦把心爲聲利役，終慚身值聖明生。  
完鴻獨鹿連番過，一樹庸榛亂壑。  
勾稽那得買山錢，癡絕關頭對雪眠。  
但得有情皆事業，何須逃世始神仙。  
梓桑疊歲悲多故，笠屐殘軀幸寡緣。  
苦弄桔槔爭井養，何如雨露得從天。  
霜侵雪壓鬢垂絲，萬事駒過苦費思。  
竹牘三竿扶客倦，桐添百尺補山虧。  
儘爲熱吏常如佛，偏是忙時始有詩。  
逾分清華原在我，鸞棲何處不瓊枝。

深杯在手月當頭，一坐俄經歲七週。  
空羨姓名標雁塔，仍攜書劍走鴻郵。  
門俱鯉集登偏峻，喬久鸞須處尙幽。  
奚更君平叨絮問，一嚮嘉味濟雙眸。

偶成

今朝憶昨朝茫茫，亦一夢業已到手事。  
倏忽齊放縱，悠悠觸石煙遍尋。  
總無縫當時苦不曉，顛倒受播弄空談。  
盪真宰尤物成奇痛，自然勢太逼亦由我。  
易動不見灘頭石，抑何自矜重急水雜沓來。  
但以一頑用。

復過縣南勘事

板橋東去掉身回亂絲殘黃水一隈沃土誰甘充徑踏  
良工不爲砍薪來秋空雁外峰稜起日上鷗邊海色開  
一局殘棋爭甚事徒勞車馬悵虺隤

水行遇風登岸宿朝陽庵

不與受掀簸蕭然庵一間入門怪佛在借榻破僧慳一  
夕夢同好半空聲未閒斗城更清絕何礙寄禪關

夜宿雙陀寺

敝車羸馬到恩恩黃葉翻階不受風我亦無心爲去住  
曼陀花雨散空中

頻拈舊句更商量砌草新鋪一片霜卻笑年來蔬筍盡  
無多禪味掛詩腸

開平道中

戎馬猶奔走巡農敢告勞雁衝寒嶺澁花寄短枝牢客  
暫居從陋年飢飲不豪村邊聽黃葉愁思滿轅撓

到縣

客路高於郭歸輿戒緩行有山皆本色無樹不秋聲薦  
牘虛名列歸囊賸句盈相看衙未散殘影費支撐

送內子入都侍家君四首

置爾高堂側堪充半子臨晨昏分職重喜懼入懷深驥  
倦添孱狀琴枯帶苦音好春能應手依舊鳥同林  
手足慳於友勞勞累此行無言將去慰有病觸離生兒  
學愁官誤年光悔壯輕長安居不易莫更長驕盈  
瞥眼房櫳改停車約夜馳一尊聊汝送五斗竟吾移買  
笑嫌非福驅愁幸有詩累人偏鑄鑰鎮日手親持  
放婢仍爲女遺閨半貯書可憐官得後忽似幕遊初轍  
跡空追野鄉風遍繞廬料應情較迫沿路盼新除

自縣至黨峪夜宿

薄賦完冬無課吏有餘閒惟冷臥忽得一題恰可借抖  
擻急上肩輿坐一騎如飛天北來待臘梅萼驚欲開出  
門遂向北郭走一橋初成幾尺厚橋外天寒少行人途  
長幾折方一村疎疎落落村頭樹竟容我馬樹中度點  
點蒼翠滴馬頭一村晚山攔路留山中客屋小於舸強  
以棲神身仍飄館僮啓門候大叫與我同行月亦到

自黨峪曉發至新店

黨峪一帶繁華埽邂逅無雲飛無鳥沿途數柳復疎疎  
尙隔里許知前途腳底泠泠響細泉人從山口來溪邊

就溪掬水理朝沐滿頭嵐光墮溪綠溪上一徑向北斜  
徑盡突接幾人家入門寒梅已折萼我欲取之供飯嚼

遵化道中

酩酊忘于役枯萍竭澤黏榆疎龍露爪嶂列筍抽尖友  
誼臨離篤名心入老廉梅花細咀嚼絕妙晚餐添

留孟梅峯

梅塢花開月半規盤桓不覺歲將移評由且定非私吏  
仁要身當豈讓師娛老已分雛鳳去行春時下野狼窺  
席前一箸仍君借咫尺鱸鄉未可思

冬至日王雨農州守許大江明府莊玉山別駕過

官縣

鶯花消息訊還沈風度微微暖入襟朝拜與星南向  
北客來如雨舊兼今冬山騶過妨清睡驛使鱗回慰獨  
吟爲問魯齋工讀書可能寫得此時心

老僕楊敏

色舞眉飛一篆窺誰甘船馬共淒其一官來路言能悉  
卅載吟聲聽不疲役罷功餘趨圃植逋來膽敢立門支  
低徊一事猶難得獨負千金踏萬巖

聞家大人病篤愴然作此

牀易當風處舟行上水灘一嗔都礙命

病係怒氣傷肺

萬悔是

居官盡室隨何益趨庭見恐難癡心惟拜友

謂鄔秋廬册同年

扁問神丹

方樸山先生曾作豐潤以詩書其集後

黑海風吹浪拍天棠舟略住便蹣跚替身到我慚衣鉢

張口容誰說聖賢被體冠裳原似客遶門龍虎半成禪

一官翻笑平生贅狼籍名山卷五千

留寓都門感懷

天風掀舞海帆收拉雜魚龍隊裏遊長此卜居原我願

同焉失怙尙誰投有童在市嘗賒米無邑遮身更典裘

偶爾迴車坊北過可憐銷寂牛西州

謂靖齋雪香二夫子

冰開處處走蜻蜓日下閑雲一片停園北菜根嘗未老

牆東榆樹長纔青黃壚舊雨兼新雨白髮長亭復短亭

誰想崑山猶健在羈棲芸館注殘經

謂顧子明

散騎天街不上升前峰木落逞峻嶒浮名畫看爭何益

嚙語蟲薨睡竟能愛古屢親書肆座談心偶對佛場僧

不圖恆水過羅漢一望須彌得岸登

三空茶鼓戰龍船

年華忽與聚丹黃車馬紛紛捉吏忙三徑菊還遲靖節  
一羣雁又望衡陽缺花倩客揮蘭替欠酒呼伶奏曲償  
竟把主人專屬我長安連日送行忙

即事

西宮玉璫對志前主客

賸願

謂秋勅諸人將出京

恩恩雪浪一番過咫尺蓬廬寄若蝸過眼宦塵揮不少  
隨身家累計還多解衣也願為須賈歸船終慚署趙宅  
儘著麻衣苦塊坐鄰峯同戲老拳

京中雜興

閒鷗一箇雜鷓鴣傀儡新從壁上觀卜地近天人總好

菜根咬處夢魂安

第一醫方是閉門蓬山遙望幾人存此回定住長安穩

一寸心空兩眼昏

邯鄲飛夢過幽州多為平原憾尙留休說蒿廬居偏仄

祇愁風響撼山楸

宛平先以予調後改邯鄲張君

急析頻敲鼓浪搖更從何處避喧囂回頭似勝庚溪坐

萬口饑聲達九霄

歸裝十笥半芸編突過關門吏駭然可奈相逢年太晚

一堂生客費周旋

偏爲槐花舉子忙名經拉雜漫雌黃何須鬼語瀾翻舌  
已是聶蘇度日方  
乞得趨風一病身輕於飛蝶遍遊春飽餐沙屑橫眠路  
我是元規更流人更  
城隈盡處隱禪堂逐隊爭看眾卉芳我獨綠天攜客坐  
閒聽萬柳話馮唐  
墨沼花飛隔座香書雲手倩替身忙風塵原不淹張旭  
訴牒還多到訟堂  
王夢湘索予代書楹聯送人  
查樓絲竹屏除殘苦爲蟲魚鏤腎肝一事久懷猶願了

棋盤招月問升庵

送王夢湘太史回里四首

不忍邀君住天南有北堂錦衣停杖盼甘旨待錢償玉  
價山爭貴雲程巷遜長孫宜見祁日早已下高翔  
舊雨欣遙集晨星數益稀一春山不笑萬里馬如飛交  
到深難別官當淺易歸抵家應怪絕去燕又堂依  
綿竹豐夔峽嘉魚富漢江花飄雲外笛酒落雨中缸一  
脈多航渡千鈞有筆扛瑣言勞枕記莫見熱官降  
何處談經濟鄉媛闢地崇賦成清福享筆擱曠官同花

自嫌天冷山終讓，嶽雄臘梅冰雪路。延佇返遊驄，  
送嚴問樵孝廉回里。言笑林樾莫見，  
邂逅渾如舊。淹留太不情，遙瞻桃熟處。正算馬歸程，  
筆穎藏彌銳。萊衣被亦榮，勿勞嗟寂寞。蘭座有香生。

覆車行

天公欲戲真無奈，平地倉皇生坎坷。馬拉車倒車拉人，  
一齊蹠躓就塊臥。地勢平陂自無常，萬事一偏遭蝸磨。  
左輪跨凸右輪凹，推挽不及能勿挫。圓蓋在地軫仰天，  
軸摧輻敗簾帷破。平日馳騁詆薄笨，至此始知善弄簸。

猶幸塗泥尙隔寸，神雖震慄身不澆。區區忠信詎足憑，  
萬悔祇此腹中餓。層崖峻陂強奔走，甘受顛躓苦忍悞。  
豈真不識安步穩，見人高車輒羨坐。利其澤美受其災，  
自取危辱敢誰過。僕夫尙恐干斤逐肉鷗，心驚淚欲唾。  
世途傾跌殆有由，詎關乎爾拙。且情檢束殘裝歸車中，  
滿看救者無一箇。旅魂驚定望春山，冷立一旁笑正大。

遣懷

已笑裁衣未稱躬，飄飄幸不注沙蟲。山川面識開雲後，  
天地恩如破浪中。老至那尋七堪法，災消還仗一貧功。

扁舟倘許鴟夷買不等龍笙鳳管終

晚次別山

暝色驚寒碧鞭花破雁羣滿溪爭渡月一館入山雲行  
潦消憂患飛蝗斷見聞飄然黃鵠外楓柏息紛紛

一朵山房詩集卷八終

一朵山房詩集卷九

貴筑傅潢星北著

男壽彤校刊

長歌行

我無三寸舌亦無千鈞力一枝籬落寄生花遠自天南  
過天北天北何似天南強毒蛇伏地狐跳梁齧風竄霧  
逞百怪偶施狡獪魂飛揚老樹白晝嘯鷓鴣蒼煙漠漠  
石欲裂巖西忽撲燕一羣恃其語巧欺其拙山無梯兮  
川無渡欲遠引兮又何處靈臺萬丈倚天高千古浮客  
生歸路龍伯巨人在城寰登高一呼仍應還箏箏嘈雜

何足辨兩耳如充心自閒吏退堂虛書一卷幾箇古人  
時接面人生懊惱如太敵挫銳披堅要酣戰川原風雨  
凋朱顏臺館樽罍奪清晏佳辰好夜空自拋白鶴青鸞  
果誰見醉眠窗側天欲曉一看來日甚了了丈夫皮骨  
皆外物田舍衣冠何擾擾壽州大賦送鄔秋舫同年之任望都有感  
一紙恩恩宦轂更完鴻獨鹿送君行數家星聚難爲國  
萬馬雲屯欲破城賈島清才荒磧拓袁安貧骨朽梁撐  
臨頭有甚擁擠法幸賴環觀得此氓

送吳柳門之任彭縣

縹緗收拾付花韉去趁投龜放鶴天好是文翁先易俗  
祇須張詠一臨邊爲貧小就仍如隱帶笑西行已若仙  
知否峩嵒橫絕處無窮香雪待吟鞭柳門有香雪山莊詩集  
蜀道凌霄鳥欲回蒼生何地避崔嵬山猿自古留聲在  
峽水從天撲面來入夢大都皆險局登場終竟是強臺  
橦竿莫太輕身試綵著猶然喚老萊

清明前一日夜大風有感

山外長風驀地來杜鵑飛處送聲哀驛程萬里狂能破

客舍終宵冷欲摧掘地尋泉清淚集出門望月亂塵堆  
軟紅一隊春歸燕蹴得花飄半紙灰

卽事

赤手俄敲網戶開恩恩猿馬賦歸來足伸月地鋪青踏  
髮露雲端墮黑堆兩石強弓嗤枉發百年去路苦懸猜  
擬將卅載裘衣卸盡用餘霞片片裁

反招隱

南山之阿神仙屋闔風吹拂花郁郁虎豹雄蟠蛟鱷伏  
倒者偶容雲一宿是何腰腳輕於鶩一往頻年歸弗欲

君不見黃蒿古城西山曲有翁八十倚門哭體無半絲  
口無菽老妻傭作兒廢讀瓊洲瑤島方輓輓飲露餐霞  
顏如玉突見冷冷泉出谷兩手徊徨顰彌蹙自言世路  
嶮崎酷一片浮塵含荼毒棲既有石食有木八極茫茫  
胡僕僕雨後滿山春芋綠活火一鑪懶殘續未必真有  
昇天福且幸世人無由辱終朝一卷拳拳服自撫平生  
奚不足

溷陽客舍獨酌書懷寄鄔秋舫

臨水共買舟先君遊幾邑到來無多日間君舟亦及顏

然攜斗酒拭目待原隰夜闌鳥語細水動月華急鄉信  
杳無期仙芬誰得挹沈沈面窮阮長日糟邱立歧途聞  
鳳鸞樊籠復羈繫黑風何猖狂送此客船入淒清溼陽  
館宰時幸補葺冷面敵塵垢坦步剗鬼炭無以慰故人  
瑤草行當拾

月夕客館醉書

春風送山月悠悠下山頂滿階浮水光一闌浸花影有  
酒還獨酌遣此清夜永一聲山鐘鳴沈冥忽有省憶昨  
我居此沙蟲紛紛逞照鏡多強顏過簷但縮頸五斗微

祿辭萬場異患屏泛濫及羣書推移到真境梅圃聞幽  
香松窗挂晚景幾星岸罅出片雲樹頭領卽此足安便  
不醉更誰等

行行且遊獵篇

樂府

邊城健兒生如虎不弄文翰祇務武忽聞天上飛狐鳴  
兩膝搖搖手起舞飛狐飛狐爾知否取爾毛皮爲爾口  
當時君旁何叟叟可憐一羣麟鳳被爾推擠走一窟搜  
盡復一窟一窟俄立兩俊鶻暫爾不殺縛爾歸要使鷹  
看寒裂骨

烏棲曲

春花冥冥日欲西  
縈梁繞樹烏來棲  
下視吳王深宮裏  
銀燭金缸宴方起  
烏棲明朝將復行  
誰家此時猶歌聲  
枝上草草東方驚

烏夜嘯

樂府不弄文飾新詩五言四句天土飛鳥

烏夜嘯驚妾聞妾不如  
烏能高飛背烏獨坐空淒淒  
皎檐邊月清輝映蓬髮  
良夜百年得幾多  
江行歸棹何時發  
嬌兒見娘淚如雨  
滿抱嘯聲同烏苦

戰城南

樂府

彎弓拂劍飛沙走  
皆言城南殲賊首  
城南賊首盈萬千  
一手能殲幾首懸  
沿街繞巷尋賊踪  
茫茫不得脇民充  
兵殺賊殺同一死  
哭聲遍野驚蒼穹  
資財狼籍城南路  
寂寞何人敢回顧  
可憐祇餘一雙犬  
尙旨刃扑不肯去  
嗚呼古來用戰爲解危  
民已殺戮城何爲  
賊回城南對白骨  
父耶兄耶安知非我聞  
戰城南我識造物意  
人間無此一大難  
若輩飽煖寄何地  
况復慙州閩縣來索取  
壺臬先捉吏

長相思

樂府風又更難何如采蘋出門是昔

長相思綺羅披春風又度歸何時  
深悔出門勗君語太以英雄將君期  
百端愁緒從此縈怪底寂寂過半生  
青雲奪人袂輕

樂府賦非北國輝越南越

金紫纏君體山川斷妾腸歸來俱白髮  
何況滯他鄉

樂府賦非北國輝越南越

躍馬誰家子頻年淹朔方  
意態信雄傑金闈增悲傷  
欲取朝來雲化爲千鳳凰  
天山雪窖裏寄聲求天狼  
天狼如可求邊城猶誰忙  
君歸耕隴畝妾采園中桑

題錢穀周幕友小照

吾輩惟能免冊持問來此事有誰知  
不田帷幄操神算

萬姓脂膏散餓鴟就元城館時有劣書私蝕錢糧至萬爲之抉發舉國駭服

萬枝松種嶺東頭折取權充海屋籌  
一枕邯鄲能再夢

滿庭喬梓任來遊

有人以飲自遣而又窮於飲作此示之

漫將一飲等常須也要官錢入市沽  
三徑菊花彭澤種

一缸蘿月步兵呼田非畫井仍留石魚  
但充庖未礙鱸

解得無絃琴亦撫不教昏穢更眞吾

形贈影

九日菊花開藐然成形時野麀一角耳所至輒驚之一  
至哀樂知頽唐乃如茲天涯久孤寄白鶴逢何期來子  
眷岑寂山川收遙思獨慨同一盡勸飲多漣瀾相伴鋤  
明月梅花不少疑遠聞谷應響儻子答吾辭

影答形

面壁飛不去撫已恆苦拙幸子爲吾導追尋路不絕瘦  
頑天已判自抹要誰悅凌空屢無靠困眠暫作別君如  
燈中油油盡燈亦滅身更非金石能閱幾寒熱巫峽雲

一層鷄鳴黑甜歇推盪不餘力騰化亦何劣

神釋

天道自微妙借君一身著又苦太勞君漸看不如故君  
在人寰中太倉一米附所恃用不竭有我通告語自爲  
五情亂彼此各一處豈止君受攻我亦讓舍住飄蕩與  
漸滅大家歸厄數要知解救方仍自君身具兩眼齊榮  
枯眾口任毀譽風雪遇且忍雷霆聽休懼欲淨理自全  
妄息患亦去惺惺復惺惺修短何煩慮  
謝病後經算交代無所餘欠得以放歸作此自慰

弈牀布算肯誰饒  
竟看緋光對水搖  
客路有詩巢父送  
俠門無券孟嘗燒  
一身鶴病加清散  
七載樵肩釋重挑  
獨下債臺還躑躅  
攔門書頁尙喧囂  
於歸亦式外自長良其國所養榮

忽收宦跡下強臺  
雪舞霜飛海色開  
一卷雲林同寫意  
百年風木永含哀  
早驚梯峻愁孤上  
猶幸車輕得眾推

邑眾積金助費情似水深名更稱  
窮鄉萬里送官回  
城外一河名還鄉河

曇花忽現宰官身  
秋水芙蓉已落塵  
繞眼誰非追負客  
回頭我亦受厘民  
每思天地甘居拙  
深愛兒孫忍就貧

一事頗辜來意切  
長年無暇絳紗親  
溲陽兩載未經課士

煌煌鐘呂閒幽琴  
雅俗無端判賞音  
出處俱徵行道力

從違祇問讀書心  
郵軒輕載歸如水  
水路酒頻斟贈抵金

漫訝袖風容易舞  
一拳蝙蝠閱年深  
豐潤出扇故云

屢把鬚眉攬鏡看  
河陽花月正團圓  
九重於我何曾

負一令酬恩恐未完  
攫玕盤空輸隼悍  
拖冰走險效

狐難丹砂果許脂  
膏換勾漏原宜再  
乞官

歸田詩二十八韻

袍帶收藏罷關心  
祇有耕巖花妍懼  
摘樾馬老愁傾船

自交河買途乘未雨行羣巒鄒魯向一水楚吳爭回雁  
貪峯穩飛雲戀洞清入門悲契闊列座話豐盈安順陳  
梨况吉祥命菜名螺絲山外路象鼻嶺頭城墓域當春  
掃田家傍岳營東西排鶴屋左右鑿書楹遠遠移孤竹  
依依置兩荆蘭蓀連晚出桑梓繞垣生厨抹炊煙白鄰  
過確響明牆陰雙袖舞犢背一經橫櫛亂猿來影漁賡  
鳥斷聲蘿抽絲乙乙木送語丁丁鬢序延崑秀耆筵拜  
洛英俸錢通緩急釀酒敘枯榮素惕沾衣露和貪晒網  
晴居幽疎禮節退早遂風情廟饌蒨鱸雜賓階笠屐迎

童嬌扣字問吏雅寫詩呈穴慣藏蛇蝮倉多聚鼠鼯包  
荒希往哲溷跡等蚩氓芸館將聯袂歌場尙奏笙樊籠  
欣倖脫堂構得閒成服美須身稱醺佳要量宏沙天頻  
返首窗北夢還驚

題劉觀亭燈火讀書圖

鼓起衙樓琴徹屋熒熒燈閣書聲續一番嘉客送出門  
幾輩古人上心目此人於我平何事問訊腳色亦爲吏  
聽他接面一夕談此來非於我無意惜其彼此生殊時  
我欲趨處彼欲避要之彼亦行所安設當吾地豈吾異

一條黑海行已中早將消息前頭通畢竟說法亦無法  
翻是此卷猶爲功怪怪奇奇何不有吾乃虛心三受  
考訊訟庭白晝事今移此境到夜牖一例此途來竊祿  
誰傳循良誰傳酷一心乖巧萬重災幾分謙退終身福  
古往今來過如煙得者失者瀾翻覆理在不曾一人饒  
筆定更難百金贖此味原是當年餘曾與布鞵青鞋俱  
布鞵青鞋尙是我此獨拋棄奚忍乎興來美亦不勝收  
還向家乘聊一搜元海札千笥隨州詩一樓見者或謂  
閒情寄不知皆爲此身此病良醫大藥求我亦風塵忝  
我析先約免我彎跽回

絕好孤眠處偏逢此臭夫舌鋒乘暗試腳路視炎趨氣  
亦腥臊聚羣應鼻鼾呼推擠懸帳角抖擻竄牀隅關切  
情逾骨侵陵慘及膚殺機埋近席來興阻衰軀爪迹旁  
添白茵花半抹朱巧鑽憎虱苦疾走笑蠅迂雨落威微  
斂雞鳴夢尙無渺茫空索爾肥膩浪誇吾類集嘗於館

窩容總怪奴汗香會見逼手素轉愁汚引水澆牆壁迎  
陽曬襪襦傷形成凸凹燒色認模糊有甚消除法金天  
盼化敷  
苦熱  
瘦骨原能熱今番也改常扇搖風盡火冰著水仍湯庭  
樹爭陰眾田瓜論價昂傳聞坊北路竟有倒塗亡

一朵山房詩集卷九終

一朵山房詩集卷十

貴筑傅潢星北著

男壽彤校刊

與金同年雪亭各以事至保陽同宿一館率成十  
絕兼以話別

看花分手振歸鞭忽許參商共一天一十七年無限事  
記如春夢過如煙

東西列屋對愁眠猶累驕陽苦斡旋一切官方都抹卻  
客來現扯葛衫穿

家山形勢景純諳悔不追陪四面看知否驪珠尋一顆

千秋泉府結廬安

雪亭善於四言詩以公詩未稱一風水

旅館常餐亦俸錢  
汗珠流處淚珠連  
忽驚一雨西南至  
也向茆檐喜欲顛

幸留官閣咏梅身  
遠與山礬作弟兄  
親醜礪萬杯澆不去

一牀鄉語暖如春

謂何處南共一天一十七年無別事康齋

秋山何處不分明  
雨後微煙遶腳生  
獨有詩情羈不得

隨州三日獻長城

雪亭詩事至宋趙同宿一詩率如十筆最捷

仁山幽秀儼蓬萊  
桃李陰深聽鳳階  
祇請神明公判斷

年來若箇此風懷

書城百雉擁官衙  
石閣重經事侶麻  
我意與君還較冷

不貪苜蓿半盤花

分明黃柏故勾留  
且攜歸船據上游  
召虎旬宣原愛吏

蛟騰况可就臺謀

鴻雁分飛漸有期  
一回聚抵百回思  
梅花白雪青谿路

是我登樓待子時

朱光宇席上話別

七載聯舟破浪行  
離樽忽向馬頭傾  
祇憑白手原難戰

便說黃丹也算成  
世事退思歡不少  
名心早懺孽猶輕

絕憐簿領堆如堙無隙抽身共補耕

一條印水繞溪斜雪帳風燈屢繫槎敢冀此山終屬我

宛迎天意遠移家秋潭穩泛忘機鷺晚圃新栽隔縣花

卻笑鼠魚庸自在歸囊蕙苴當珠誇廿年前與君閒咏有如何作歸計來

此共君閒之意今十回想恐百回思蘇白雲青嶽

### 閔楊子萱下第後之官北平十八首書後

不共春風十七年彈冠說劍也來燕薇花認面真如舅

子萱為鍾溪師甥師為工部侍郎時予司記室而子萱時僅髫年得相聚晤水部回頭半列

仙籬息筍林抽玉秀雄文秋露瀉珠圓如何亦厭紅塵

### 歎黑海曹騰客袂聯

### 畢曉山招集蓮花池小飲

咫尺蓬萊水一方浮蹤今始共徜徉曲闌響雜雲敲石

綠樹陰移月轉廊山假勢尊常住吏時派王屋山管領此地客驚

秋早盡思鄉時予將歸而邃堂輩亦俱圖南旋詎知一寸心安處十仞

靈巖夾肘旁曉山尊人秋帆先生有靈巖山館

### 卽事

花影闌干壓槐風一片過劇場驚退早古刹得遊多肩

尙堪書託心仍耐墨磨豐熙呈瑞景也要野人歌

秋嫩難爲色兼旬况雨淫黃沙融液盡白日受昏深路  
問曾題句身還已放心老僮亦莫賴賣畚舊巢尋

感事

棧馬愁馳騁平原奮鯁忠徒驚蘭臭託遍覓玉瑕攻弱  
結悲離抱孤猿伴脫籠可憐錢記室猶自試瑀弓

李雙圃觀察同年聞予銜恤之信遠致厚賻詩以

誌感

秋入金風俊爽搏排空來雁唳枯蘭惠當渴處沾應倍

情向餘生用更難萬里有家從此去渾身如舊盼誰歎  
可能潞水千艘集再向閒鷗著眼看

客夜

如此清涼夕黃花去獨遲馬心安破棧月色辨疎枝俸  
住求無客身閒睡得時可憐蟲戶響拍枕不曾移

古木斜陽立晴空下鵲盤喧囂連夜市淒楚滿門官

時

寓者有吳菊湖亦丁外艱

暗壁回新溼孤衾上薄寒一違忽萬里何

地慰憂歎

保陽早發

衙鼓聲收蠟炬銷離筵星影散寥寥車穿市過清如洗  
馬趁秋行健欲飄黑白滿枰翻局速縱橫萬里去程遙  
香山本自無多願未到江州興已消  
古木感事立前空不  
九載因循釀禍胎天山石打玉門開俱非龍敵將誰任  
不道狨心又我猜剩餉私銷充官橐閒功濫采備銓材  
可憐消息西南至朔雪炎風萬骨堆

寄鄔秋舫同年

出山雲望海入山雲日海出出者對海狂入者望海

慄攜手坐海旁備以所遊述忽念妻與孥意縮語難畢  
遍觀天地閒舍此又焉集吏勿論大小朝廷待原一所  
苦望都地畿南最要駟頻年遭水蝗徭役減六七縣官  
每蒞此有若獨木立四面依傍空稍縱危將及君也乃  
異才滿軀皆膽識奮袂直下車庶政先整飭築社宏樂  
育繕倉備撫卹去其害馬者除此亂苗賊劫來半載餘  
民如見新日芳聲上遊達量移聞在卽知君憂患心未  
嘗弛一刻插腳聲利場取舍辨必悉所以事到手神定  
志不惑任彼若何難總不改詞色獨念順風遭兩旁少

羽翼瑣屑必躬親日昃猶未食前程阻且長飛騰尤要  
力曾否照冰鑑鬢髮已寡黑機心然也以事匪手輒或  
浪跡郵誰限迢迢晚更征各傷鴉背影秋水馬蹏聲餅  
載防無唐燈懸訝有城此遊差不惡步步是歸程太樂  
耿耿金精墜劫塵排空迴氣結丹垠取資自幸邗溝近  
轉徙幾如毫眾頻岸集望洋驚退鳥舡居入海放歸大  
銷魂偏是微淤處稍弛防閑忽陷輪時車陷泥中雇夫  
數十抬之方起

讀書作

一點虛明心用之決萬事不識事未來又誰此心制盤  
盤插架書無數妍媸備當其率性行豈爲後人計得失  
根是非千古遂成例吾黨日研究故紙發新義識趣希  
聖賢言動徹天地身世兩相宜孰欺復孰蔽奈何不資  
寶僅用博聲勢卓哉宰相業一部論語濟

裕州道中

擾擾井旁路破曉行已滑晴泥復稜稜馬踏屢遭蹶興  
夫貪徑捷深林亂奔越壞人新築場嫚語還關點向南

復幾家日午力齊竭  
秋熟晴空拋黃雲  
墮茂樾辛苦均  
勞人世途憂危沒  
我行已三旬  
僕僕何時歇  
登高望巖  
頂長湖尚滂渤

襄陽田家

野叟無多夢霜天  
起獨早牽車下豆田  
趁此晴日好微  
傳叱犢聲稚子爭  
襁褓折竹作小竿  
穿林先撲棗

泊武昌

孤舟泊江渚一日復一日  
呼聲忽滿船後者行已及前  
船何遲遲俟此狂風息  
風息會有時湖平知何日  
吾行

祇此途到家邇且直  
安得似沙鷗超然背波集

灤陽雜感

千里辰龍此上游  
雄關橫鎖水迴流  
隔天賈舶長汀聚  
近郭人家半嶺浮  
鶴魄笑妨菟畔落  
猪肝宛爲玉溪留  
秋風載酒東籬過  
掩映茱萸尚黑頭

尙洽酸鹹此一編  
閒身永日嗜尤偏  
豈期壽世三千卷

祇算離鄉二百年  
錢不溪投隨馬飲  
喬皆地植信鶯遷

暗將鰲湧獅環較  
差勝瀧岡憶舊阡

先曾祖生於清溪長遷貴陽

孤燈老對厭花沈  
不憚喧闐市偶臨  
連歲有秋筠米賤

一春多雨瓦苔深官歸俸住田仍硯事卸朋稀伴只琴  
落落高樓凌百尺料應知我此時心  
孱身竹瘦鬢飛花兒應門庭婦理家黑海宦情消笠屐  
寒砧聞課易桑麻頽唐笑失昂頭鳥奔競愁同畫足蛇  
聽得琅琅西塾出纏身正事正無涯

星收月去坐無聊隨意茶瓜過客招也向棋贏忙下局  
何妨風正早停橈山林清福容吾騙天地長年借此消  
燈火殘更稽古罷元壇猶自辦香燒

縱橫萬里路三千賺得歸來轉索然燕繞一庭防剝啄  
蟲拖滿紙厭雕鏘畏彈並徹逢場戲逃病常參入座禪  
亦羨瓊樓金碧耀長鯨遼海怒濤喧  
劉仲矩明府以所修安平縣志並橡說等書寄之  
陳有堂學博而有堂以仲矩曾爲其先人定齋先  
生請祀欲謝以言囑予代作

首着花飛處青琴海上來滿天珠玉落幾尺縹緗開官  
當書生做人如舊里回就中半家事一覽一徘徊  
塞北歸來後當途薦牒頻一心觀獨醒念載忍長淪何  
幸臨吾邑猶聞有此人感恩謝知已不止九泉身

細雨騎驢入春風跨馬行羣蠻都問字萬政始治生棠  
野經遊遍駝方指畫精苦衷誰告語我亦受厘氓  
梅使來曾訊鬚眉異昔觀有心求更好何處得身安奉  
己常從略全民敢畏難卻愁錢漫選不等椽成看

晚坐

叢木煙消午飯過夕陽西轉到門多流鶯也識歸須早  
共我營巢傍薜蘿  
東皇事畢放春回草色苔痕亂綠堆素景滿川聞喚渡  
衛城月過郡城來

菘畦刈了盼瓜生開日軒南與一晴傍晚屋頭山似市  
滿塘新水鬧蛙聲

萬家團聚水中分時有漁歌布上聞買得畫船堅繫柳  
同岑防有未歸雲

偕諸友登文昌閣小飲

不知尙隔幾層天忽已騰身到日邊滿地虎龍爭路上  
一庭桃李與星聯神仙世界知何似孝友人家望儼然  
金籙幾編樽酒外橫陳頗費客周旋

家居

朝衫脫罷亦堪堪  
國坐書齋祇話耕  
紙下也隨遵縣諭  
錢空翻易結鄉情  
詩篇依舊還胸臆  
子輩從新問姓名  
果似香山更何歉  
猶饒一十六年生

詠史

商鞅變古法志亦在養氓  
誰知貧富形衣冠皆戈兵  
卅畝負郭田誰猶施力耕  
一並入豪籍去去殘杯爭始也  
尙擁彗落落皆頭迎繼乃于于至一庭三千盈嗚乎此  
輩人向皆庠序英妻兒不自保安復憐清名棄家從狗  
盜舍業爲蠅營此錯固秦孝我怪尤魏營一刀死堂下

此劫何由成

題海棠

海外飛來星一顆  
一腔熱血滿身火  
淪落蜀土無人知  
化爲花海花萬朵  
白蓮社外黃金屋  
垂絲貼梗不一足  
較量西府難齊名  
均荷東皇賜品六  
本身生就那可改  
啓疑霞文封疑璫  
遂令市上有胭脂  
問到花家花不買  
五尺珊瑚千房珠  
是花故物花如無  
有時探春飲台嶺  
醉倒亂招神仙扶  
花外晦翁築精舍  
雲烘露濯塵顏謝  
一夢叨他錦障穿  
從此丹砂受點化  
竭來壇宇如瓶守

知爲杜陵不開口畢竟遇合須聖皇雜花十題忽冠首  
獨惜癯瘦不耐寒北來風雨愁多端燭未上時便思睡  
留一半妝來朝看吳苑漢宮肥膩樣歧路相逢甘心讓  
結就蜃樓終幻形拾來狸睡非實相不然同受洪鈞功  
昔亦曾對朝曦雄倏忽鷗鷺江波老潦倒荻花成漁翁  
捫心幸有一寸在傾吐虹蜺現光彩肯當天孫雲錦披  
增爾春色更幾倍

一朵山房詩集卷十終

